

駢

雅

訓

纂

駢雅卷三上

訓纂五

明 朱謀瑋 鬱儀

龍巖魏茂林學

釋名稱

王父王母祖父母也。

〔爾雅釋親〕父之考爲王父。父之妣爲王母。〔注〕加王者尊之。〔釋名釋親屬第十一〕祖祚也。祚物先也。又謂之王父。王睢也。家中所歸睢也。王母亦如之。

嚴君父母也。

〔易家人彖傳〕家人有嚴君焉。〔疏〕父母一家之主。家人尊事同於國。有嚴君故曰家人有嚴君焉。父母之謂也。

婢嬬。嬬。婢母也。

〔廣雅釋親〕媼妣。嬬。媼。媼。姐母也。〔疏證〕嬬與下姐字同。說文蜀

人謂母曰姐。𡈼各本作𡈼。蓋因上文爸字從巴而誤。集韻類篇𡈼字注引廣雅。𡈼母也。𡈼字注亦云母也。則宋時廣雅已有譌作𡈼者。考玉篇廣韻俱無𡈼字。玉篇姐古文作𡈼。廣韻孀楚人呼母也。按廣雅所釋本以一字爲義。鬱儀以𡈼。婢孀孀牽合爲文。失之。婢音畢。孀乃弟奴解二反。𡈼子我子倚二反。世父伯父也。

爾雅釋親。父之舅弟先生爲世父。後生爲叔父。釋名釋親屬第十一。父之兄曰世父。言爲嫡統繼世也。又曰伯父。伯把也。把持家政也。

鼻祖始祖也。

方言十二。鼻始也。𡈼之初生謂之鼻人。之初生謂之首。梁益之間謂鼻爲初。或謂之祖。漢書揚雄傳上有周氏之婢。孀兮或鼻。

祖於汾隅注劉德曰鼻始也師古曰雄自言系出周氏而食采于揚故云始祖於汾隅也

太高祖先也

淮南子汜論訓饗大高者而彘爲上牲注大高祖也。大與太通古人太字多不加點如大極大初大素大室大廟大學之類後人加點以別小大之大遂分而爲二矣

夫之父曰君舅母曰君姑曰尊章曰威姑夫之庶母曰少姑夫之兄曰兄公姊曰女公

爾雅釋親婦稱夫之父曰舅稱夫之母曰姑姑舅在則曰君舅君姑沒則曰先舅先姑漢書廣川王傳背尊章注尊章猶言

舅姑也說文解字第十二姑夫母也威姑也漢律曰婦告威

姑廣雅釋親姑謂之威疏證威姑卽爾雅所謂君姑也君與威

古聲相近說文蒼從艸君聲讀若威是其例也

爾雅釋親謂

夫之庶母爲少姑。夫之兄爲兄公。夫之姊爲女公。

妻之父母曰外舅。外姑。

爾雅釋親妻之父爲外舅。妻之母爲外姑。釋名釋親屬第十一。妻之父曰外舅。妻之母曰外姑。言妻從外來謂至己家爲歸。故反以此義稱之。夫妻匹敵之義也。

孫之子一世爲曾孫。二世爲元孫。三世爲來孫。一曰耳孫。四世爲暋孫。五世爲仍孫。六世爲雲孫。姪之子爲歸孫。女子之子爲外孫。姊妹之孫爲離孫。於父之舅氏自稱曰彌甥。

爾雅釋親子之子爲孫。孫之子爲曾孫。曾孫之子爲元孫。元孫之子爲來孫。來孫之子爲暋孫。暋孫之子爲仍孫。仍孫之子爲雲孫。釋名釋親屬第十一。曾孫義如曾祖也。元孫元懸也。上懸

於高祖最在下也來孫此在無服之外其意疎遠呼之乃來也
舅孫舅貫也恩情轉遠以禮貫連之耳仍孫以禮仍有之耳恩
意寔遠也雲孫謂去已遠如浮雲也。• 舅音昆本亦作昆 [漢
書惠帝紀] 上造以上及内外公孫耳孫 [注] 應劭曰耳孫者元孫
之子也言去其曾高益遠但耳聞之也李斐曰耳孫曾孫也晉
灼曰耳孫元孫之曾孫也師古曰耳孫諸說不同據平紀及諸
侯王表說梁孝王元孫之子耳孫耳音仍又匈奴傳說握衍胸
鞮單于云烏維單于耳孫以此參之李云曾孫是也然漢書諸
處又皆云曾孫非一不應雜兩稱而言據爾雅曾孫之子爲元
孫元孫之子爲來孫來孫之子爲昆孫昆孫之子爲仍孫從已
而數是爲八葉則與晉說相同仍耳聲相近蓋一號也 [爾雅
釋親] 男子謂姊妹之子爲出女子謂舅弟之子爲姪謂出之子

爲離。孫謂姪之子爲歸。孫女子子之子爲外孫。正義總麻三月章云外孫賈疏以女出外適而生故云外孫。釋名釋親屬第十一姪之子曰歸。孫婦人謂嫁曰歸。姪子列故其所生爲孫也。出之子曰離。孫言遠離已也。左傳哀公二十三年以肥之得備彌甥也。注彌遠也。康子父之舅氏故稱彌甥。疏彌者增益之義故爲遠也。

長子謂之家督。主婦謂之君婦。夫婦相稱爲伉儷。兩壻相稱爲友壻。諸婦目稱爲妯娌。

史記越世家家有長子曰家督。詩楚茨君婦莫莫箋云君婦

謂后也。凡適妻稱君婦。事舅姑之稱也。疏凡適妻稱君婦故妾

稱之爲女君也。左傳成公十一年已不能庇其伉儷而亡之

注儷耦也。伉敵也。疏伉儷者言是相敵之匹耦。苦浪力計二

反釋名釋親屬第十一兩壻相謂曰亞又曰友壻言相親友也漢書嚴助傳上問助居鄉里時助對曰家貧爲友壻富人所辱注友壻同門之壻廣雅釋親妯娌娣姒先後也疏證方言築婬匹也郭注云今關西兄弟婦相呼爲築婬築與妯同爾雅長婦謂稚婦爲娣婦娣婦謂長婦爲姒婦郭注云今相呼先後或云妯娌漢書郊祀志長陵女子以乳死見神於先後宛若師古曰古謂之娣姒今關中俗呼之爲先後吳楚俗呼之爲妯娌嬰姁嬰彌嬰兒也

說文解字第十二姁嬰姁也釋名釋長幼第十人始生日嬰兒或曰嬰姁嬰一作鷺禮雜記下中路嬰兒失其母焉注嬰猶鷺彌也鷺於奚反彌五兮反一音迷

釐孳孳生也

方言三陳楚之間凡人冒乳而雙產謂之釐孳秦晉之間謂之健子自關而東趙魏之間謂之孿生注孳音茲孿蘇官反疏證說文孿一乳兩子也亦作孿廣雅釐孳健孿也義本此釐亦作孳孳亦作孳玉篇云孳孳雙生也

苗裔遠胄也

楚辭離騷經帝高陽之苗裔今王逸注苗胤也裔末也

右親屬

元首至尊君也

書益稷元首起哉傳元首君也

文選過秦論履至尊而制六

合按天子至尊見儀禮第十一子夏傳西京賦侈靡踰乎至尊

薛綜注引之又東京賦降至尊以訓恭薛注至尊天子也

黎苗黔首元元黎蒸民也

後漢書皇后紀上損膳解驂以贍黎苗注廣雅云苗衆也廣

雅釋詁黔首氓民也疏證黔首者秦謂民爲黔首謂黑色也周

謂之黎民史記秦始皇帝紀更命民曰黔首按祭義云明命鬼

神以爲黔首則鄭注黔首謂民也魏策云撫社稷安黔首呂氏

春秋大樂篇云和遠近說黔首韓非子忠孝篇云古者黔首悅

密憇恩諸書皆在六國未滅之前蓋舊有此稱而至秦遂以爲

定名非始皇創爲之也國策秦策子元元高氏注元善也民

之類善故稱元後漢書光武帝紀上上當天地之心下爲元元

所歸注元元謂黎庶也元元猶言喁喁可矜怜之辭也漢書

司馬相如傳下正陽顯見覺寤黎蒸注黎蒸衆庶也

百揆冢宰天官吏部也

書舜典納于百揆傳百揆無所不總者揆度也度百事總百官

疏揆度釋言文百揆者言百事皆度之周官云唐虞稽古建官惟百內有百揆四岳則百揆爲官名

又周官冢宰掌邦治統

百官均四海疏周禮云乃立天官冢宰馬融云冢大也宰治也

周禮天官冢宰疏鄭目錄云象天所立之官象天者周天有三百六十餘度天官亦總攝三百六十官故云象天也云官者亦是管攝爲號故題曰天官也

通典二十三職官五周禮天官

太宰掌建王之六典以佐王理邦國

注變冢言太者百官總焉

則謂之冢宰列職於王則謂之太宰漢成帝初分尙書置四曹至光武乃分爲六曹迄於魏晉或五或六無有常典自宋齊以來多定爲六曹稍似周禮至隋六部其制益明大唐武太后遂以吏部爲天官戶部爲地官禮部爲春官兵部爲夏官刑部爲秋官工部爲冬官以承周六官之制

司徒地官度支戶部也

〔書舜典〕汝作司徒敬敷五教在寬〔周禮地官司徒疏〕鄭目錄

云象地所立之官司徒主衆徒地者載養萬物天子立司徒掌邦教亦所以安擾萬民〔通典二十三職官五〕魏文帝置度支

尙書專掌軍國支計吳有戶部而晉有度支皆主算計也開皇三年改度支爲民部統度支民部金部倉部四曹國家修隋志謂之戶部蓋以廟諱故也初戶部尙書居禮部之後武太后改置天地四時之官以戶部爲地官由是遂居禮部前

宗伯秩宗春官禮部也

〔書周官〕宗伯掌邦禮治神人和上下〔疏〕宗廟也伯長也宗廟官之長故名其官爲宗伯又〔周禮春官宗伯〕乃立春官宗伯使帥其屬而掌邦禮〔注〕鄭司農云宗伯主禮之官〔疏〕鄭目錄云象春

所立之官也宗尊也伯長也〔書舜典〕帝曰俞咨伯汝作秩宗傳秩序宗尊也〔疏〕主郊廟之官掌序鬼神尊卑故以秩宗爲名〔通典〕二十三職官五唐虞之時秩宗典三禮周禮春官大宗伯掌建邦之天神人鬼地祇之禮後漢尙書吏曹兼掌齋祀亦其職也至隋置禮部尙書統禮部祠部主客膳部四曹蓋因後周禮部之名兼前代祠部儀曹之職

司馬兵部也

〔書周官〕司馬掌邦政統六師平邦國〔傳〕夏官卿主戎馬之事〔通典〕二十三職官五周禮夏官大司馬之職掌以九伐之法正邦國制軍詰禁以糾邦國領校人牧師職方司兵之屬卽今兵部之任也

司寇刑部也

書周官司寇掌邦禁詰姦慝刑暴亂傳秋官卿主寇賊通典二十三職官五唐虞之時士官以正五刑周禮秋官大司寇掌邦之三典以佐王刑邦國蓋其任也後周有秋官大司寇卿掌刑邦國隋初有都官尙書開皇三年改都官爲刑部尙書司空工部也

書舜典伯禹作司空又周官司空掌邦土居四民時地利傳冬官卿主國空土以居民士農工商四人使順天時分地利授之土能吐生百穀故曰土通典二十三職官五周禮冬官其屬有考工掌百工之事後周有冬官大司空卿掌五材九範之法至隋乃有工部尙書大司憲都御史也

通考五十三職官七梁及後魏北齊或謂之南臺後周曰司憲

又後唐有司憲中大夫二人掌司憲之法辨國之五禁及隋以國諱改中丞爲大夫唐因隋亦曰大夫龍朔二年改爲大司憲奉常太常也

又五十五職官九今太常者亦唐虞伯夷爲秩宗兼夔典樂之任也周時曰宗伯爲春官掌邦禮秦改曰奉常漢初曰太常惠帝更名奉常景帝六年更名太常

司宰司膳光祿也

又同上唐龍朔二年改光祿寺爲司宰寺咸亨初復舊光宅元年爲司膳神龍初復舊

司僕司馭太僕也

又五十六職官十唐龍朔二年改太僕爲司馭咸亨初復舊光宅元年改爲司僕神龍初復舊

廷尉詳刑大理也。

又同上秦爲廷尉。漢因之。景帝中元六年更名大理。唐龍朔二年改大理爲詳刑。咸亨元年復舊。光宅元年改爲司刑。神龍元年復舊。

司賓鴻臚也。

又同上唐龍朔二年改鴻臚爲司文。咸亨初復舊。光宅初改爲司賓。神龍初復舊。

司成祭酒也。

又五十七職官十一龍朔二年改爲司成館。又改祭酒爲大司成。咸亨初復舊。

端尹詹事也。

又六十職官十四詹事。秦官。漢因之。唐龍朔二年改詹事爲端

尹少詹事爲少尹咸亨初復舊垂拱元年又改詹事爲宮尹少詹事爲少尹神龍初復舊

蘭臺祕書翰林也

又五十六職官十祕書省校書郎漢之蘭臺及後漢東觀皆藏書之室亦著述之所多當時文學之士使讎校於其中故有校書之職後於蘭臺置令史十八人又選他官入東觀皆令典校祕書或撰述傳記當時重其職故學者稱東觀爲老氏藏室道家蓬萊山焉按翰林之職至唐始盛卽漢之祕書監蘭臺令史也考詳洪遵翰苑羣書所載唐李肇翰林志韋處厚翰林學士記韋執誼翰林院故事楊鉅翰林學士院舊規宋蘇易簡續翰林志蘇耆次續翰林志及玉海一百二十一官制文不備錄

內史中書也

又五十一職官五。隋初改中書爲內史。又改內史爲內書。後復爲內史。按內史昉於周官。後世中書令亦稱內史。然非舍人職也。自唐以後。內史之職無聞焉。考詳玉海一百二十一官制及歷代職官表二內閣表文。不備載。

三公太師太傅太保也。

書周官立太師太傅太保。茲惟三公傳。師天子所師。法傳傳相。天子保保安天子於德義者。漢書百官公卿表上太師太傅太保。是爲三公。注應劭曰師訓也。傳覆也。保養也。師古曰傳相也。三孤少師少傅少保也。

書周官少師少傅少保。曰三孤傳。孤特也。言卑於公尊於卿。特置此三者。

中宮皇后也。

漢書哀帝紀食邑如長信宮中宮注中宮皇后之宮周禮天官內宰以陰禮教六宮注六宮謂后也教者不敢斥言之謂之六宮若今稱皇后爲中宮矣

漢制帝祖母稱長信宮帝母稱長樂宮

文選齊敬皇后哀策文哀長信之莫臨注應劭漢官儀曰帝祖母爲太皇太后其所居曰長信宮也後漢書皇后紀上皆如

長樂宮故事注漢官儀曰帝祖母稱長信宮帝母稱長樂宮

婕妤容華姬娥充衣昭儀順常無涓共和娛靈寶林良使夜者兩漢時女官也

後漢書皇后紀上至乃掖庭三千增級十四注婕妤一姬娥二容華三充衣四已上武帝置昭儀五元帝置美人六良人七七子八八子九長使十少使十一五官十二順常十三無涓共和

娛。靈保林良。娣使夜者。十四此六官品秩同爲一等也。通考二百五十三引舞作無良下無娣字。又漢書外戚傳上漢興因秦之稱號。適稱皇后妾皆稱夫人。又有美人良人八子七子長使少使之號焉。至武帝制婕妤嬪娥俗華充依各有爵位。而元帝加昭儀之號。凡十四等云。昭儀位視丞相。婕妤視上卿。嬪娥視中二千石。俗華視真二千石。美人視二千石。八子視千石。充依視千石。七子視八百石。良人視八百石。長使視六百石。少使視四百石。五官視三百石。順常視二百石。無涓共和娛靈保林良使夜者皆視百石。注婕言接幸於上也。仔美稱也。嬪娥皆美號也。俗猶言奕奕也。便習之意也。充依言充後庭而依秩序也。婕音接。仔音子。或從女其音同耳。嬪音五經反。俗音容。昭儀昭顯其儀。示隆重也。涓絮也。無涓言無所不絮也。其讀曰恭言。

恭順而和柔也。娛靈可以娛樂情靈也。保安也。保林言其可安衆如林也。良使使令之善者也。夜者主職夜事。通考二百五十三引俗華作俗儼事。文類聚前集帝系部引漢外戚傳保林作寶林。據顏注寶當作保。

貴嬪淑媛修容順成良人昭華修儀淑儀充華。魏晉時女官也。承徽列榮。梁時女官也。

通考二百五十三帝系四。魏因漢法。母后之號皆如舊制。自夫人以下世有增損。文帝增貴嬪淑媛修容順成良人。明帝增淑妃昭華修儀。又二百五十四帝系五。晉武帝采漢魏之制。置貴嬪夫人貴人。是爲三夫人。淑妃淑媛淑儀修華修容修儀婕妤。好容華充華是爲九嬪。文見南史后妃傳。又梁武定令制貴妃貴嬪貴姬爲三夫人。淑媛淑儀淑容昭華昭儀昭容修華。

修儀修容爲九嬪婕妤。好容華充華承徽列榮爲五職。竝見南史后妃傳上。

良娣孺子保林才人皆太子嬪妾也。

漢書武五子傳。納史良娣。注韋昭曰良娣太子之內官也。太子有妃有良娣有孺子凡三等。通考二百五十四帝系五太子。

宮置三內職良娣比開國侯保林比五等侯才人比駙馬都尉。按此齊高帝建元三年所定。梁則東宮置良娣保林爲二職。竝見南史后妃傳。

右君臣

望獲天皇也。

路史中三皇紀。粵有天皇是曰天靈望。獲強尊。注以獲爲名。以望爲姓。字子潤。號中天皇君。並詳洞神部。

岳鏗地皇也。

又同上。天皇氏逸地皇氏作出於雄耳龍門之岳鏗名岳姓。注字子元號中地皇君。

愷胡洮人皇也。

又九頭紀地皇氏逸于有人皇胡洮龍軀。注姓愷名胡洮字文生。

侯岡頡史皇氏倉頡也。

又禪通紀倉帝史皇氏名頡姓侯岡。注見地記。

栢芝栢皇氏也。

又同上。栢皇氏姓栢名芝。

釐連釐蓄昆連氏也。

又同上。昆連氏一曰釐連氏一曰釐蓄氏昆連者昏晦之謂也。

〔注〕釐本又作驪

赫蘇赫胥氏也

〔又同上〕赫蘇氏是爲赫胥〔注〕胥蘇也傳謂赫然之德爲人胥附而號之也

權天葛天氏也

〔又同上〕葛天氏葛天者權天也爰擬旋穹作權象故以葛天爲號

祝誦祝融祝融氏也

〔又同上〕祝誦氏一日祝融是爲祝融氏・融古文和字

古皇有巢氏也

〔又同上〕有巢氏駕六龍從日月是曰古皇〔注〕河圖云有巢氏王天下也駕六龍飛麟從日月號古皇氏

方牙蒼牙包義太昊也

又同上太昊伏羲氏方牙。一曰蒼牙。風姓是爲春皇。包義亦號
天皇人帝皇雄氏蒼精之君也。注易通卦驗云伏羲方牙精作
易。又云遂皇出握機矩表計寅而其刻曰蒼牙通靈昌之成謂
伏羲也。世多作庖犧轉失

女希女媧氏也

又同上女皇氏媧媧雲姓。一曰女希。太昊氏之女弟。注世紀云
媧身人首。一曰女希是爲女皇

石年神農也

又同上炎帝神農氏姓伊耆名軌。一曰石年。注見春秋命麻序
或作耳訛

冬律黃帝也

〔又疏〕仡紀黃帝有熊氏姓公孫名荼一曰軒軒之字曰辛律注

見黃帝經序

紀質少昊也

〔又同上〕小昊青陽氏紀姓名質是爲挈〔注〕少昊幣文作小周書

亦作小顓

明由必育成博隕邱燧人氏四佐也

〔玉海一百二十官制〕明由必育成博隕邱右燧人四佐〔釋史一

太古第一開闢原始論語〕

燧象燧人四佐明由曉升級必育受稅俗成博受古諸隕邱受延嬉燧人出天四佐出世隕于

敏切燧徐醉切

金提烏明視默紀通仲起陽侯伏羲氏六佐也

〔玉海一百二十官制〕陶淵明集聖賢羣輔錄金提主化俗烏明

主建福視默主災惡紀通爲中職仲起爲海陸陽侯爲江海右
伏羲六佐見論語擿輔象按此與路史釋史引羣輔錄皆作鳥
明舊鈔本亦同張氏刊本作鳥名未詳又王應麟小學紺珠五
名臣類上陽侯作陽佚

風后天老五聖知命窺紀地典力墨黃帝七輔也

釋史五太古第五黃帝紀論語擿輔象黃帝七輔風后受金法
天老受天籙五聖受道級知命受糾俗窺紀受變復地典受州
絡力墨受準斥州選舉翼佐帝德原注力墨蓋卽力牧

雄陶方回續牙伯陽東不訾秦不虛靈甫舜之七友也

小學紺珠五名臣類上舜七友雄陶方回續牙伯陽東不訾秦
不虛靈甫原注尸子逸士傳戰國策顏觸曰堯有九佐舜有七
友禹有五丞湯有三輔又雄陶注一作雒按尸子今逸諸書所

引不同有作五友者北堂書鈔四十九設官部一引尸子舜得友五人曰雄陶續耳柏楊東不識秦不空皆一國之賢人也漢書二十古今人表作雒陶續身柏陽東不訾秦不虛師古曰雒陶已下皆舜之友也身或作耳虛或作字竝見尸子有作六人者御覽八十一皇王部引尸子曰舜事親養兄爲天下法其游也得六人曰雒陶方回續牙伯陽東不識秦不空皆一國之賢者也馬驢釋史十有虞紀引尸子作六人文與御覽同唯注云或作東不訾秦不虛又有靈甫曰七人而不載所出今考王氏紺珠引尸子及逸士傳又引國策顏觸語以實之自當以七友之說爲正孫氏問經堂叢書尸子輯本引御覽作其友也得五人與鮑氏仿宋刻本不同殆猶沿明活字本及黃正色刻本之誤至王氏所著紺珠載在玉海之末孫氏曾未之及亦云疎矣

皐陶化益真窺橫革之交。禹之五佐也。

〔呂氏春秋求人篇〕禹憂其黔首顏色黎黑。竅藏不通。步不相過。以求賢人。欲盡地利至勞也。得陶化益真窺橫革之交。五人佐禹。故功績銘乎金石。著於盤盂。畢氏沅校正王厚齋云。荀子成相曰。禹得益皐陶。橫革直成爲輔。此陶卽皐陶也。化益卽伯益也。真窺卽直成也。真與直字相類。橫革名同。唯之交未詳。盧云按窺或是窺字與成音近。窺丑庚抽庚二切。

陶臣繇余烏陀治泔水之三佐也。

〔路史二國名紀〕夏世侯伯繇余烏陀陶臣。又餘論七載錢希白紀繇余氏墓事。謂繇余與陶臣烏陀帝堯之後佐禹理水以功。封吳云云。乃得諸錢知平夢寐之所述。語極荒誕。茲不悉錄。離朱之明。鸞俞之聰。狄牙之味甘。蠅飛衛之射。鉗且大丙之御。僦

貨季俞跗之醫。孟賁成荆。烏獲荆慶之勇。白台閭須南威先施毛
嬈閭姬陽文傅子孟姬之美。皆古之殊絕者。

孟子四離婁注。離婁古之明目者。黃帝亡其元珠。使離朱索之。
離朱卽離婁也。按離朱事見莊子外篇天地。又外篇駢拇釋文。
離朱。司馬云黃帝時人。百步見秋毫之末。一云見千里針鋒。孟
子作離婁亦見。列子湯問篇又文選琴賦注引慎子作離珠。

列子湯問篇。魮俞師曠方夜耳。俛首而聽之。弗聞其聲。注魮俞
未聞也。殷敬順釋文。魮俞古之聰耳人。魮除倚反。夜他歷切。

法言問神篇。狄牙能喊狄牙不能齊不齊之口。司馬光集注。
咸曰喊。咂物聲也。又祕曰狄牙易牙知味者也。大戴禮曰失管
仲任豎刁狄牙。列子湯問篇。甘蠅古之善射者。彀弓而獸伏。

鳥下弟子名飛衛。學射於甘蠅。而巧過其師。且當作且淮南。

子覽冥訓若夫鉗且大丙之御除轡銜去鞭棄策車莫動而自舉馬莫使而自走也注此二人太乙之御也一說古得道之人

以神氣御陰陽也。鉗音箝且疽阻二音素問移精變氣論

第十三歧伯曰色脈者上帝之所貴也先師之所傳也上古使

僦貸季理色脈而通神明合之金木水火土四時八風六合不

離其常注先師謂歧伯祖世之師僦貸季也。僦卽就反更

記扁鵲列傳臣聞上古之時醫有俞跗治病不以湯液醴灑索

隱音央附正義俞跗按應劭曰黃帝時將也孟子二孟賁注

賁勇士史記范雎列傳烏獲任鄙之力焉而死成荆孟賁王慶

忌夏育之勇焉而死集解許慎曰成荆古勇士孟賁衛人國策

韓策聶政刺殺韓傀政姊嫪聞之乃之韓視之曰勇哉氣矜之

隆是其軼賁育高成荆矣鮑彪注說文成荆古之勇士淮南子

齊俗訓孟賁成荆無所行其威注成荆古勇士也呂氏春秋

重已篇使烏獲疾引牛尾尾絕力勩而牛不可行逆也注烏獲

秦武王力士也能舉千鈞國策趙策內無孟賁之威荆慶之

斷漢書廣川王傳注荆軻衛人謂之慶卿燕人謂之荆卿國

策魏策左白台而右閭須南威之美也文選七發使先施徵

舒陽文段干吳娃閭姬傳子之徒雜裾垂髻目窈心與注皆美

女也先施卽西施也戰國策魯仲連謂孟嘗曰君後宮十妃皆

衣縞紵食梁肉豈毛嫵先施哉徵舒段干傅子皆未詳莊子

內篇齊物論毛嫵麗姬人之所美也釋文司馬云毛嫵古美人

一云越王美姬也荀子賦篇閭姬子奢莫之媒也嫵母力父

是之喜也注閭姬古之美女嫵母醜女黃帝時人按楚辭七諫

頌謂閭姬爲醜惡姬一作陬見漢書音義•姬子于反又哀

時命隴廉與孟姬同宮王逸注隴廉醜婦也孟姬好女也

嫫母隴廉倭傀此倭酸蔑哀駘佗敦洽古之醜人也

楚辭七諫嫫母勃屑而日侍王逸注嫫母醜女也又見上閭姬

注隴廉見上孟姬注文選四子講德論嫫母倭傀注醜女

• 煨瑰二音楚辭九歎此倭倚於彌楹王逸注此倭醜女也

• 化音毗惟音雕左傳昭公二十八年昔叔向適鄭駸蔑惡

欲觀叔向注惡貌醜• 酸音駿莊子內篇德充符衛有惡人

焉曰哀駘注惡醜也釋文李云哀駘醜貌它其名。它與佗

通徒何反駘臺殆二音呂氏春秋遇合篇陳有惡人焉曰敦

洽雝麋椎頰廣顏色如漆赭垂眼臨鼻長肘而盤陳侯見而甚

說之。廣顏畢氏按云廣韻作廣額田氏寶臣曰此但當引方

言十中夏謂之額汝頰淮泗之間謂之顏釋之爾不煩改字也

蚺人巨靈周僥僇僇短小人也一

列子湯問篇從中州以東四十萬里得僇僇國人長一尺五寸東北極有人名曰諍人長九尺注僇音譙僇短人國名也史記云僇僇氏三尺短之至也韋昭曰僇僇西南蠻之別名也按括地志在大秦國北也又山海經曰東海之外有小人名曰諍人按御覽三百七十八人事部引列子四十作三十九尺作一尺六寸諍作蚺音靖山海經大荒東經有小人國名靖人注詩含神霧曰東北極有人長九寸殆謂此小人也郝氏箋疏按說文云靖細貌蓋細小之義故小人名靖人也淮南子作蚺與諍靖竝通·僇音堯注脫御覽三百七十八人事部漢武故事曰東郡送一短人長七寸衣冠具足疑其山精常令在案上行召東方朔問朔至呼短人曰巨靈汝何忽叛來阿母還未短人不

對山海經海外南經周饒國爲人短小冠帶一曰焦僂國在三首東注其人長三尺穴居能爲機巧有五穀也箋疏按周饒亦焦僂聲之轉又聲轉爲朱儒又按初學記十九卷引拾遺記云員嶠山有陀移國人長三尺壽萬歲疑陀移卽周饒之異名蒲衣項橐任賢張堪古之聖童也

莊子內篇應帝王蒲衣釋文尸子云蒲衣八歲舜讓以天下崔云卽被衣王倪之師也國策秦策甘羅曰夫項橐生七歲而爲孔子師今臣生十二歲於茲矣高氏注續史記作大項橐司馬貞音託尊其道德故曰大後漢書任延傳任延字長孫南陽宛人也年十二爲諸生學於長安明詩易春秋顯名太學學中號爲任聖童按任賢賢字似當作延然考朱國楨湧幢小品卷二十四引鬱儀異林記亦作賢不作延自別有所本也又

張堪傳張堪字君游南陽宛人也爲郡族姓堪早孤讓先父餘財數百萬與兄子年十六受業長安志美行厲諸儒號曰聖童東南有人長七丈名曰尺郭一名黃父西北有人長二千里名曰無路西南荒有人長丈名曰先通東南荒有人長千里名曰朴父天竺車隣之國男女皆長丈八尺大秦國人皆長丈五尺

神異經東南荒經東南方有人焉周行天下身長七丈腹圍如其長頭戴雞父魃頭朱衣縞帶以赤蛇繞額尾合於頭不飲不食朝吞惡鬼三千暮吞三百此人以鬼爲飯以露爲漿名曰尺郭一名食邪一名赤黃父今世有黃父鬼原注魃頭髮煩亂也

又西北荒經西北海外有人長二千里兩腳中間相去千里腹圍一千六百里但日飲天酒五斗不食五穀魚肉好遊山海間不犯百姓不干萬物與天地同生名曰無路之人一名仁一

名信一名神原注天酒甘露也

又西南荒經西南大荒中有

人長一丈腹圍九尺踐龜蛇戴朱鳥左手憑白虎知河海水斗斛識山石多少知天下鳥獸言語土地上人民所道知百穀可食識草木鹹苦名曰聖一名哲一名賢一名無不達凡人見而拜之令人神智此人爲天下聖人也一名先通又一名賢原注俗曰先知按御覽三百七十七引此經朱鳥下有左手憑青龍五字今本脫又右手憑白虎右譌作左應補正又東南荒經東南隅太荒之中有樸父焉夫婦竝高千里腹圍百輔天初立時使其夫妻導開百川嬾不用意謫之竝立東南不飲不食不畏寒暑惟飲天露須黃河清當復使其夫婦導護百川。樸與朴同御覽三百七十七人事部魏略曰天竺國人皆長一丈八尺車隣國男女皆長一丈八尺又外國圖曰大秦國人長

一丈五尺猿臂長脅好騎駱駝

規頤籛條侏儒焦僂瘕瘠僂昏聾瞶瞶謂之八疾

〔國語晉語〕文公問於胥臣曰吾欲使陽處父傳驩也而教誨之其能善之乎對曰是在驩也籛條不可使俛戚施不可使仰僂僂不可使舉侏儒不可使援瞶瞶不可使視瘕瘠不可使言聾聾不可使聽僂昏不可使謀質將善而賢良贊之則濟可俟也若有違質教將不入其何善之爲公曰然則教無益乎對曰胡爲文益其質故人生而學非學不入公曰奈夫八疾何對曰官師之所材也戚施直鉶籛條蒙瞍侏儒扶盧瞶瞶修聾聾瞶司火僂昏瞶瘠僂僂官師所不材也以實齋士夫教者因體能質而利之者也若川然有原以卬浦而後大按規頤卽戚施見廣雅六釋訓又詳卷二籛條戚施醜惡也注・籛條渠除二音侏

章俱切內傳作朱焦本作焦在遙吾聊二切又見上短小人注
瘕本作𦵏五金切瘕於金切玉篇中疒部瘕於假切瘕瘕也𦵏
五拜切𦵏𦵏莫紅素口二切

頰車。𦵏車。頰輔也。

釋名釋形體第八頤養也動於下止於上上下咀物以養人也
或曰輔車言其骨強所以輔持口也或曰牙車牙所載也或曰
頤車頤含也口含物之車也或曰頰車亦所以載物也或曰𦵏
車。𦵏鼠之食積於頰人食似之故取名也凡繫於車皆取在下
載上物也。頰音筴𦵏邱檢切

承槩口下也。

又同上口下曰承槩承水槩也

立人鼻下也。

又同上鼻下曰立人取立於鼻下狹而長似人立也

軍營華池口也

〔御覽三百六十七人事部養生經曰軍營之中有甘泉注云軍營口也甘泉唾也又曰口爲華池〕

辛府腠理也

〔素問水熱穴論第六十一〕腎汗出達於風客於辛府行於皮裏傳爲附腫所謂辛府者汗空也〔注〕汗液色辛從空而出以汗聚於裏故謂之辛府府聚也

隱器廷孔前陰也

〔又骨空論第六十〕督脈者起於少腹以下骨中央女子入繫廷孔其孔溺孔之端也其絡循陰器合篡間繞篡後〔注〕繫廷孔者謂竊漏近所謂前陰穴也竊漏之中其上有溺孔焉端謂陰廷

馬牙 卷三
在溺孔之上端也

魄門穀道也

又五藏別論第十一魄門亦爲五藏使五穀不得久藏又脈要精微論第十七倉廩不藏者是門戶不要也注倉廩謂脾胃門戶謂魄門魄門則肛門也

天癸月客姙變月事也

又上古天真論第一岐伯曰女子七歲腎氣盛齒更髮長二七而天癸至月事以時下故有子注癸謂壬癸北方水干名也所以謂之月事者平和之氣常以三旬而一見也通雅十八身體類神仙服食經曰仙藥有陽丹陰丹陰丹婦人乳汁也婦人十五已上下爲月客有事月客絕上爲乳汁說文解字第十二姙婦人汚也从女半聲漢律曰見姙變不得侍祠博幔切

囁。囁。咽語也。

〔後漢書五行志〕桓帝之初天下童謠曰吏買馬君具車請爲諸君鼓囁。胡鼓囁胡者不敢公言私咽語。囁原作胡囁力公切。

𩚑。𩚑。鼻息也。

𩚑當作𩚑。〔玉篇〕鼻部。𩚑。鼻息也。又𩚑字注云面瘡。〔集韻〕引同非此義。𩚑呼洽切。𩚑火侯切。

𩚑。贅。結肉也。

〔荀子宥坐篇〕今學會未如𩚑。贅則具然欲爲人師。〔注〕𩚑。贅。結肉。𩚑羽流切。

駢雅

卷三 雜名類

三

駢雅卷三訓纂五終

駢雅卷三中

訓纂六

明 朱謀瑋 鬱儀

龍巖魏茂林學

釋宮

長樂未央長門鼓篁宜春承光池陽黃平黃山望仙長楊集賢延壽祈年通天馭娑林光甘泉交門明光五柞萬歲太乙建章夜光棠梨扶荔鼎湖西漢宮名也

〔御覽一百七十三居處部〕漢宮闕名曰長安有長樂宮未央宮長門宮鼓篁宮承光宮宜春宮池陽宮黃平宮長山宮望仙宮長楊宮集靈宮延壽宮祈年宮通天神宮馭娑宮沛宮林光宮甘泉宮龍泉宮首山宮交門宮明光宮五柞宮萬歲宮竹宮壽宮建章宮太乙宮思子宮夜光宮棠梨宮扶荔宮桂宮鼎湖宮谷口宮又〔三輔黃圖二〕長樂宮本秦之興樂宮也高皇帝始居櫟

陽七年長樂宮成徙居長安城

〔又黃圖二〕未央宮周回二十

八里前殿東西五十丈深五十丈高三十五丈營未央宮因龍

首以制前殿

〔又黃圖三〕長門宮離宮在長安城孝武陳皇后

得幸頗妒居長門宮

鼓篲一作鼓簧黃圖二建章有駘蕩馭

娑枌詣天梁奇寶鼓簧等宮又黃圖三引漢宮閣疏云鼓簧宮

周匝一百三十步在建章宮西北篲竝作簧與御覽引異

〔又〕

黃圖三宜春宮本秦之離宮在長安城東南杜縣東近下杜

〔又〕池陽宮在池陽南上原之阪有長年坂去長安五十里

〔又〕

黃山宮在興平縣西三十里武帝微行西至黃山宮卽此也

〔又黃圖一〕長楊宮在今盩厔縣東南三十里本秦舊宮至漢修

飾之以備行幸宮中有垂楊數畝因爲宮名門曰射熊觀秦漢

游獵之所

集賢未詳疑是集仙之譌〔又黃圖三〕集靈宮集仙

宮皆武帝宮觀名也

〔又黃圖一〕斬年宮穆公所造廟記曰斬

年宮在城外秦始皇本紀斬年宮在雍畢氏沅按雍錄曰黃圖

斬爲祈漢書亦作祈古字通用〔又黃圖三〕馭娑宮馭娑馬行

疾貌馬行迅疾一日遍宮中言宮之大也・悉合蘇可二切

〔又黃圖一〕林光宮胡亥所造從廣各五里在雲陽縣界又甘泉

有高光宮又有林光宮有長定宮竹宮通天臺通靈臺〔又黃

圖二〕甘泉宮一日雲陽宮關輔記曰秦所造漢建元中增廣之

周十九里去長安三百里〔又黃圖二〕明光宮武帝太初四年

秋起在長樂宮後南與長樂宮相連屬〔又〕武帝求仙起明光宮

發燕趙美女二千人充之〔又〕五柞宮漢之離宮也在扶風盩

厓宮中有五柞樹因以爲名五柞皆連抱上枝覆蔭數畝〔又〕

萬歲宮武帝造汾陰有萬歲宮宣帝元康四年幸萬歲宮神爵

翔集以元康五年爲神爵紀元

〔又黃圖二〕建章宮武帝太初

元年柏梁殿災粵巫勇之曰粵俗有火災卽復大起屋以厭勝之帝於是作建章宮度爲千門萬戶宮在未央宮西長安城外

〔又黃圖三〕棠梨宮在甘泉苑垣外雲陽南三十里

〔又扶荔

宮在上林苑中漢武帝元鼎六年破南越起扶荔宮〕〔注〕宮以荔

枝得名

〔又鼎湖宮在湖城縣界昔黃帝採首山銅以鑄鼎鼎

成有龍下迎帝仙去小臣攀龍髯而上者七十二人漢武帝於

此建宮

徽行顯陽暉章含章仁壽百福清暑章華嘉福宣光明修嘉樂蔬圃九華章陽芳德景福延休百子虞清淵冥安昌式乾林光漢晉殿名也

行當作音明修當作修明御覽一百七十五居處部晉宮閣名

曰太極殿十二間。徽音殿。顯陽殿。暉章殿。含章殿。建始殿。仁壽殿。百福殿。清暑殿。章華殿。嘉福殿。宣光殿。修明殿。嘉樂殿。芙蓉殿。崇光殿。華光殿。蔬圃殿。華德殿。九華殿。章陽殿。百兒殿。芳德殿。靈圃殿。承光殿。永寧殿。景福殿。延休殿。百子殿。虞清殿。淵冥殿。安昌殿。又山謙之丹陽記曰：皇后正殿曰顯陽，東曰含章，西曰徽音，又洛宮之舊也。含章名起後漢顯陽，徽音亦起魏曰明陽。晉避文帝諱改焉。又晉中興書曰：烈宗起清暑殿，識者曰：清暑反語楚聲也。爲殿以酸楚之聲爲號，非吉祥也。頃烈宗崩，桓元自號楚。又洛陽宮殿簿曰：明光殿，徽音殿。式乾殿。又建

康宮殿簿云：林光殿在縣東北十里潮溝村，覆舟山前。晉以爲藥園。按以上皆晉殿名。漢殿名未載，疑有脫誤。今據御覽本卷補入三輔宮殿名曰未央宮，有麒麟殿、椒房殿。又曰長樂宮前

殿宣德殿通光殿高明殿漢宮闕名曰長安有臨華殿神仙殿
高門殿朱鳥殿曾城殿宣室殿承明殿鳳皇殿飛雲殿昭陽殿
鴛鸞殿鈞臺殿合懽殿漢官典職曰德陽殿周旋容萬人激洛
水於殿下

蘭池平樂象章鳩鵲華光流渠相思長平華池迎風露寒鼎效漢
觀名也

象當作豫效當作郊御覽一百七十九居處部漢宮殿名曰長
安有臨仙觀渭橋觀仙人觀霸昌觀蘭池觀平樂觀九華觀豫
章觀鴻雀觀昆明觀走馬觀華光觀封巒觀走狗觀天梯觀瑤
臺觀流渠觀相思觀長平觀宜春觀華池觀射熊觀迎風觀露
寒觀當市觀石闕觀白渠觀鼎郊觀白虎觀懷德觀三雀觀林
木觀溫德觀注潘岳關中記云鼎郊觀在上林苑按御覽此下

有長平觀三字與上複今刪又鴻雀觀似係鵠鵲觀之譌三輔黃圖四甘泉苑武帝置苑中有鵠鵲觀

宣平萬秋青綺壽成漢長安城門也

〔御覽一百八十三居處部〕漢宮殿名曰長安有宣平門覆盎門萬秋門橫門東都門宣德門禮城門青綺門章義門仁壽門壽成門〔按〕長安十二門見水經渭水注考詳梁氏文選旁證一大夏閭闔萬春長秋金牙鴻都章臺濯龍洛陽城門也

〔又同上〕洛陽有泰夏門閭闔門西華門萬春門倉龍門長秋門景福門永巷門丙舍門鴻都門金牙門不老門章臺門濯龍門定鼎門・泰與太通大讀如太

金華清陽承休朱明白藏顯仁飛雲晉閭名也

華當作光〔御覽一百八十四居處部〕晉宮閭名曰洛陽宮有金

光閣清陽閣朱明閣承休閣安樂閣白藏閣顯仁閣崇明閣章德閣飛雲閣安世閣長安閣長安有東明閣西華閣紫闥閣。閣據御覽引當作閣。

象魏闕也。

周禮天官大宰乃縣治象之灋于象。魏注鄭司農云象魏闕也。疏云象魏闕也者周公謂之象魏雉門之外兩觀闕高魏魏然孔子謂之觀。

堂堦合殿也。

廣雅釋宮堂堦壁也。疏證壁通作殿堦通作皇漢書胡建傳監御史與護軍諸校列坐堂皇上顏師古注云室無四壁曰皇太平御覽引廣雅作堂皇合殿也廣韻亦云堂堦合殿。

辟廱頌宮。晉宗東膠成均國學也。

〔禮王制〕天子曰辟廱。諸侯曰頴宮。〔注〕辟明也。廱和也。所以明和天下頴之言班也。所以班政教也。〔又〕文王世子。大師詔之瞽宗。〔注〕周立三代之學。學書於有虞氏之學。學舞於夏后氏之學。學禮樂於殷之學。〔釋文〕瞽宗殷學名。〔又〕王制。周人養國老於東膠。〔注〕東膠亦大學在國中王宮之東。〔周禮〕春官大司樂掌成均之灋以治建國之學政。〔注〕董仲舒云。成均五帝之學。〔疏〕周人以成均學之舊法式以立國之學內政教也。

天子牆曰賁庸。諸侯曰疏杼。

〔尚書〕大傳多士。天子賁庸。〔注〕賁大也。庸謂之庸。大庸正直之庸。〔又〕諸侯疏杼。〔注〕疏猶衰也。杼亦庸也。衰殺其上不得正直。

杼音宁

旅樹門屏也。

〔禮〕郊特牲臺門而旅樹〔注〕旅道也屏謂之樹樹所以蔽行道管氏樹塞門塞猶蔽也禮天子外屏諸侯內屏大夫以簾士以帷〔疏〕樹立也人君當門道立屏蔽內外爲蔽也云屏謂之樹釋宮文云禮天子外屏諸侯內屏者禮緯文

桎行馬也

〔周禮〕天官掌舍〔設〕桎桎再重〔注〕故書桎爲柜杜子春讀爲桎桎桎行馬步禮戶故二反

埤垠女牆也

〔廣雅〕釋宮埤垠堞女牆也〔疏〕證埤垠字或作俾倪或作睥睨或作僻倪〔釋名〕釋宮室第十七城上垣曰睥睨言於其孔中睥睨非常也亦曰埤埤埤也言埤助城之高也亦曰女牆言其卑小比之於城若女子之於丈夫也。晉計五計二反

宋唐梁也。

爾雅釋宮宋唐謂之梁注屋大梁也。宋音亡唐力又反。

落時樞達也。

又同上樞達北方謂之落時。落時謂之扂。注門持樞者或達北。穩以爲固也。正義戶在東南其持樞之木或達於北方者名落時亦名爲扂。扂本或作𡵓同音俟。

掇儒短柱也。

掇當作楹。釋名釋宮室第十七。楹儒梁上短柱也。楹儒猶侏儒短故以名之也。爾雅釋宮釋文楹之劣反本或作楹音同。

聯櫨屋栢也。

說文解字第六。櫨屋櫨聯也。从木邊省聲。武延切。按廣韻二下平聲櫨字注引說文云屋聯櫨也。鬱儀用聯櫨本此。又釋名釋

宮室第十七栢或謂之楊楊縣也縣連棖頭使齊平也

壁帶構也

構當作襍說文繫傳第十一襍壁柱西京雜記謂之壁帶按亦見漢書外戚傳下然彼注作橫木解非此義又說文無構字段氏據篇韻補篆構訓柱上枅補各弼戟二切襍訓壁柱平碧反

孛思屏也

廣雅釋宮孛思謂之屏疏證孛思字或作罽思或作桴思或作浮思或作覆思水經穀水注太平御覽引廣雅並作復思

屨屨門門也

顏氏家訓書證第十七古樂府歌百里奚詞曰百里奚五羊皮憶別時烹伏雌吹屨屨今日富貴忘我爲吹當作炊煮之炊按蔡邕月令章句曰鍵關牡也牡所以止屨也或謂之剡移然則

當時貧困並以門牡木作薪炊爾聲類作展屨又或作居古樂苑三十琴曲歌辭琴歌原注風俗通曰百里奚爲秦相堂上樂作所賃澣婦自言知音因援琴撫弦而歌問之乃其故妻還爲夫婦也亦謂之屨屨歌字說曰門闕謂之屨屨按釋史五十四秦穆公霸西戎所引風俗通略同又注云今本無典略又作鼓瑟今考應劭風俗通十卷內實無此文御覽五百七十二樂部十引風俗通作援琴而歌五百七十六樂部十四引典略又作鼓瑟文亦小有異同竝存備考・𦵏移二音門音樓居音簞笠屨戶牡也

廣雅釋宮投謂之闌鍵笠屨戶牡也・屨音及鋪首鐻銑門鐲也

通雅三十八宮室類倉琅根椒圖鋪首也嬾真子曰杜牧之花

夢樓詩云唯有紫苔偏稱意年年應得上金鋪金鋪出甘泉賦
注云金鋪門首也按門之鋪首所以啣環者鋪平聲漢注音去
聲〔集韻平聲四〕鑑烏侯切門鋪謂之鑑鈺〔按鑑鈺有二解廣
雅釋器鑑鍛謂之鑑鈺疏證引說文鑑鍛頸鎧也集韻鈺字注
亦引之非此義〕鈺胡溝切音侯

承塵仰塵也

〔釋名釋牀帳第十八〕承塵施於上承塵土也〔通雅三十八宮室
類〕元有盤頂殿盤頂之制三椽其頂若筭之平今所謂燕窩制
也常居上有承塵今日仰塵

搏壁席壁也

〔釋名釋牀帳第十八〕搏壁以席搏著壁也・搏度官切
綺疏白間文窗也

後漢書梁冀傳窗牖皆有綺疏。青瑣圖以雲氣仙靈注牖小窗也。綺疏謂鏤爲綺文。青瑣謂刻爲瑣文。而以青飾之也。文選景福殿賦皎皎白間。離離列錢注白間青瑣之側以白塗之。今猶謂之白間。間古莧切。

石材石承礎礎也。

尚書大傳多土。士大夫有石材。注柱下質也。又庶人有石承。

注當柱下而已。不出外爲飾也。礎音楚。礎音鵲。

藻井刻扉也。

文選西京賦蒂倒茄於藻井。薛綜注藻井當棟中交木方爲之。如井幹也。刻扉未詳。御覽一百八十八藻井引風俗通殿堂象東井形。刻作荷淩水物。以厭火解。與薛異。今風俗通無此文。磨蘇平屋也。

徯徯巷也。

升庵文集六十四字學類今之巷道名爲胡洞字書不載或作徯徯又作徯徯皆無據也南齊書蕭鸞弑其君昭於西弄注弄巷也南方曰弄北曰徯徯弄之反切爲徯徯也蓋方言耳易痢庵也。

廣雅釋宮詳上廡蘇注又疏證影宋本皇甫本竝作易廁各本譌作痢廣韻引廣雅作康。此尙沿舊本痢來達反。

羅落椽椽地籬也。

又同上椽椽籬篲羅落地也疏證地今籬字也各本地字譌作地地下又衍一籬字蓋今本籬字本作離乃是地字之音既誤入正文後人又改離爲籬耳羅字通作羅羅之言羅羅然也落之言落落然也古通作落釋名云青徐謂籬曰据据與椽同椽

玉篇音渠據之言渠疏然也。梓者叢積之名猶荐也。哀八年左傳吳人囚邾子於樓臺。梓之以棘杜注云梓擁也。此與十二年傳吳人藩衛侯之舍同意。此作地籬猶沿舊說。

華表柱識也。

〔古今注問答釋義第八〕程雅問曰堯設誹謗之木何也。答曰今之華表木也。以橫木交柱頭狀若花也。形似桔槔。大路交衢悉施焉。或謂之表木。以表王者納諫也。亦以表識衢路也。秦乃除之。漢始復修焉。今西京謂之交午也。

柎潛隱也。

〔廣雅釋宮〕柎。潛隱也。〔疏證〕柎之爲言阻遏也。說文柎木閑也。木閑謂之柎。水偃謂之柎。義相近也。潛玉篇音七故切。廣韻又側伯山。責一切潛之言。迫迤也。說文潛所以離水也。柎潛聲亦相。

近按集韻粗有臻魚壯所二音故曰聲近曹憲音士家倉故反
偃豬雷下也。

左傳襄公二十五年規偃豬注偃豬者畜流水之陂也又周禮
天官宮人爲其井偃注偃豬謂雷下之池受畜水而流之者丹
鉛總錄地理類周禮注井漏井偃偃豬按漏井今之滲坑偃豬
今之陰溝也按通雅三十八宮室類引鄭氏云偃豬雷下地今
陽溝又云以塼墁下溝曰陰明作溝者曰陽今注地作池亦無
陽溝之稱蓋方氏所加也。偃諸二音雷力救切
歧旁劇旁劇驂崇期歧路也。

爾雅釋宮一達謂之道路二達謂之歧旁注歧道旁出也釋名
釋道第六物兩爲歧在邊曰旁爾雅釋宮三達謂之劇旁注
今南陽冠軍樂鄉數道交錯俗呼之五劇鄉正義詩疏引孫炎

傳寄地方深各數丈致令辟爲郭令辟與瓠璧同衆經音義卷十四引通俗文云狹長者謂之甌甌魏志胡昭傳注引魏略云扈累獨居道側以甌甌爲障按廣雅以甌甌爲駢字璧單字也此作璧甌則又以璧字屬下讀矣。瓠甌零上的下令辟音與瓠璧同甌瓠潘胡二音璧甌劈祿二音

甌瓠小瓦也

〔集韻平聲一〕甌瓠小牡瓦也或从同。同版二音

甌甌并發也

〔廣雅釋宮〕甌甌發也。同百二音

鴟尾瓦獸也

〔通雅三十八宮室類〕蚩尾或作鴟尾。祠尾鴟吻蘇鶚曰蚩海獸也漢武作柏梁有上疏曰蚩尾水精能辟火災顏子推曰東宮

舊事呼鴟尾爲祠尾又呼爲鴟吻黃朝英按倦游雜錄言漢以宮殿多災術者言天上有魚尾星宜爲象冠屋以禳之陳書三公黃閣聽事置鴟尾蕭摩訶以功寢室並置鴟尾北史宇文愷傳云自晉以前未有鴟尾藝林彙考棟宇篇八廡序類畱青日札唐之屋舍王公以下非常參官不得施縣魚瓦獸鴟尾屋脊兩頭吻獸也拒鵠者瓦獸上鐵叉也

夏臺羨里念室動止稽畱狴牢圜土因諸若盧居室圜獄也

廣雅釋宮獄犴也夏曰夏臺殷曰羨里周曰圜圉疏證史記夏紀云桀召湯而囚之夏臺殷紀云紂囚西伯羨里圉與圉同月令省圜圉正義引鄭志崇精問曰獄周曰圜土殷曰羨里夏曰均臺圉圉何代之獄焦氏答日月令秦書則秦獄名也漢曰若盧魏曰司空釋名釋宮室第十七圉領也圉御也領錄囚徒禁

御之也。美與久切。圜。靈語二音。初學記政理部獄第十

一。博物志云。夏曰念室。殷曰動止。周曰稽留。三代之異名也。又

狴牢者。亦獄別名。漢書曰。有罪當械者。皆頌繫。應劭注曰。頌者

容也。言見寬容。但處曹吏舍。不入狴牢。今本博物志無此文。

又易林比之否。失意懷憂如幽狴牢。狴。龍陞二音。周禮地

官比長以圜土。納之。注。圜土者。獄城也。釋名釋宮室第十七。獄

又謂之圜。土築土表牆其形圜也。圜同圓于權切。公羊傳

昭公二十一年。宋南里者何。若曰。因諸者然。注。因諸者。齊故刑

人之地。疏舊說云。卽博物志云。周曰圜。齊曰因。諸是也。今

本博物志無此文。漢書灌夫傳。繫居室。注。居室。署名也。屬少

府。其後改名曰保宮。按蘇武傳。加以老母繫保宮。注。百官公卿

表云。少府屬官有居室。武帝太初元年。更名保宮。

械寶溷軒行清糞廁也。

〔史記萬石君列傳〕取親中裙廁。廁身自浣滌。〔集解〕徐廣曰。廁築垣短板也。音住。一讀。廁爲寶。寶音豆。言建又自洗。蕩廁寶。滌除穢惡之穴也。呂靜曰。械。箭。褻器也。音威。豆。駟按。蘇林曰。廁音投。賈逵解。周官械虎子也。箭行清也。孟康曰。廁行清。箭行中受糞者也。東南人謂鑿木空中如曹謂之箭。按。箭與寶通。互詳上。閨寶。小戶也。注。〔後漢書李膺傳〕延熹二年徵再遷河南尹。時宛陵大姓羊元羣罷北海郡。臧罪狼藉。郡舍溷軒有奇巧。乃載之以歸。膺表欲按其罪。元羣行賂。宦豎膺反坐。輸作左校。〔注〕溷軒。廁屋。溷。胡困切。

閨闔城門曲也。

〔詩〕出其東門。閨闔傳。閨。曲城也。闔。城臺也。〔箋〕云。閨讀當如彼都。

人士之都謂國外曲城之中市里也說文解字第十二闔城內
重門也从門至聲於真切闔闔也从門者聲當孤切

駢雅卷三訓纂六終

駢雅卷三下

訓纂七

明 朱謀瑋 鬱儀

龍巖魏茂林學

釋服食

天子祀天以蒼冕。祀地以黃冕。朝日以青冕。夕月以素冕。社稷以
辛冕。享先帝食三老耕籍以衮冕。視朔大射以山冕。視朝適宴以
鷩冕。皆十二旒。諸公以下有方冕。火冕。毳冕。藻冕。絺冕。爵弁。革弁。
皮弁。辛冠。祀弁。

〔通典五十七禮十七〕後周設司服之官。掌皇帝十二冕祀昊天
則蒼冕。五帝各隨方色。朝日用青冕。夕月用素冕。地祇用黃冕。
神州社稷用辛冕。享先皇加辛服等象冕。享先聖食三老耕籍
等以衮冕。視朔大射等以山冕。視朝臨法門適宴等以鷩冕。皆
十二旒。鷩必減反。又府樊反。〔又〕諸公之冕九方。衮山鷩火。

毳等六皆九旒韋弁皮弁。冠三合上爲九諸侯八無袞冕諸伯七又無山冕諸子六又無鷩冕諸男五又無火冕冕五旒三公之冕九祀火。毳藻繡爵弁等冕六韋弁皮弁。冠合上九三孤自祀冕而下八無火冕公卿七又無毳冕上大夫六又無藻冕中大夫五又無皮弁下大夫四又無爵弁士服三祀弁爵弁。弁冕庶士。冠而已。按此載三公之冕九有繡而無絺今考書益稷曰予欲觀古人之象日月星辰山龍華蟲作會宗彝藻火粉米黼黻絺繡以五采彰施於五色作服孔安國曰葛之精者爲絺五色備曰繡後漢書輿服志下劉昭注補曰冕服九章一曰龍二曰山三曰華蟲四曰火五曰宗彝皆畫以爲績六曰藻七曰粉米八曰黼九曰黻皆絺以爲繡鷩畫以雉謂華蟲也毳畫虎雖謂宗彝也絺刺粉米無畫也云云於絺獨言刺者明絺

以爲繡之義注又曰衮衣之冕十二旒鷩衣之冕九旒毳衣之冕七旒絺衣之冕五旒屮衣之冕三旒不言繡冕則絺冕卽繡冕矣又按周六冕見春官司服此蓋踵而增之文不悉錄。毳昌銳反又清歲反絺陟里反又猪履反會馬鄭作繪胡對反毋追章甫委貌三代禮冠也。

〔禮郊特牲〕委貌周道也章甫殷道也毋追夏后氏之道也〔注〕常所服以行道之冠也或謂委貌爲屮冠也〔疏〕此下三代恒所服行道之冠然三代乃俱用繡布而其形自殊周爲委貌之形殷則爲章甫之形夏則爲毋追之形故云委貌周道也鄭注士冠禮委安也言所以安正容貌章明也殷質言所以表明丈夫毋發聲追猶推也夏后氏質以其形名之。毋追上音牟下多雷反。

進賢。惠文側注。柱後法冠也。

後漢書輿服志下。進賢冠。古緇布冠也。文儒者之服也。前高七寸。後高三寸。長八寸。公侯三梁。中二千石至博士兩梁。自博士以下至小史私學弟子皆一梁。劉昭注補獨斷曰。漢制禮無文。通典五十七禮十七。隋開皇中於進賢冠上加二真珠爲獬豸角形。大業中改制一角。執法者服之。後漢書輿服志下。法冠。

一曰柱後。高五寸。以纚爲展。笥鐵柱。卷執法者服之。注補獨斷曰。柱後。惠文。漢書張敞傳。敞弟武拜爲梁相。是時梁王驕貴。民多豪強。號爲難治。敞問武。欲何以治。梁武敬憚兄。謙不肯言。敞使吏送至關。戒吏自問武。武應曰。馭黠馬者利其銜策。梁國大都吏民凋敝。且當自柱後。惠文彈治之耳。秦時獄法吏冠柱後。惠文武意欲以刑法治梁。吏還道之。敞笑曰。審如掾言。武必辦。

治梁矣 側注解下

通天遠遊高山建華方山巧士却非却敵翼善漢以來禮冠也

後漢書輿服志下高山冠一曰側注制如通天不邪却直豎無山述展筓中外官謁者僕射所服太傅胡廣說曰高山冠蓋齊王冠也秦滅齊以其君冠賜近臣謁者服之注補史記酈生初見高祖儒衣而冠側注按漢書五行志中多治仄注冠應劭注今法冠是也師古曰仄古側字蔡邕云高九寸鐵爲卷非法冠及高山也此作法冠蓋从應說又通天冠高九寸正豎頂少

邪却乃直下爲鐵卷梁前有山展筓爲述乘輿所常服注補獨斷曰漢受之秦禮無文又遠遊冠制如通天有展筓橫之於前無山述諸王所服也注補獨斷曰禮無文又建華冠目鐵

爲柱卷貫大銅珠九枚制似縷鹿天地五郊明堂育命舞樂人

服之注補獨斷曰其狀若婦人縷鹿薛綜曰下輪大上輪小

又方山冠似進賢以五采縠爲之祠宗廟大子八佾四時五行樂人服之冠衣各如其行方之色而舞焉

又巧士冠高七寸

要後相通直豎不常服唯郊天黃門從官四人冠之在鹵簿中

次乘輿車前以備宦者四星云注補獨斷曰禮無文又却非

冠制似長冠下促宮殿門吏僕射冠之注補獨斷曰禮無文

又却敵冠前高四寸通長四寸後高三寸制似進賢衛士服之

注補獨斷曰禮無文通典五十七禮十七翼善冠大唐貞觀

中制月一日十五日視朝常服之

禕衣揄翟闕翟鞠衣展衣祿衣素沙王后以下六服也小祀則服鷩衣採桑則鵠衣聽女教則鷩衣歸寧則翟衣

周禮天官內司服掌王后之六服禕衣揄狄闕狄鞠衣展衣緣

衣素沙。注鄭司農云禕衣畫衣也揄狄闕狄畫羽飾展衣白衣也鞠衣黃衣也素沙赤衣也元謂狄當爲翟翟雉名伊雒而南素質五色皆備成章曰翟江淮而南青質五色皆備成章曰搖王后之服刻繒爲之形而采畫之綴於衣以爲文章禕衣畫翟者揄翟畫搖者闕翟刻而不畫此三者皆祭服從王祭先王則服禕衣祭先公則服揄翟祭羣小祀則服闕翟鞠衣黃桑服也色如鞠塵象桑葉始生月令三月薦鞠衣於上帝告桑事展衣以禮見王及賓客之服字當爲禮禮之言亶亶誠也祿衣御於王之服亦以燕居男子之祿衣黑則是亦黑也六服備於此矣素沙者今之白縛也六服皆袍制以白縛爲裏使之張顯今世有沙縠者名出於此疏先鄭意以素沙爲服名又以素沙爲赤色義無所據故後鄭不從之釋文禕音暉揄音遙展張彥反緣

或作祿同吐亂反白縛劉音絹聲類以爲今作絹字

通考一

百十四王禮九後周制后服十有二等其翟衣六從皇帝祀郊

祿享先皇朝皇太后則服翟衣祭陰社朝命婦則服褕衣祭羣

小祀受獻爾則服鷩衣採桑則服鵲衣音黃色從皇帝見賓客聽

女教則服鷩衣音白色食命婦歸寧則服翟衣音元色俱十有二等

以翟翟爲領標

褕裕褕褕褕褕屈掖直裾衣也短者謂之褕褕

方言四褕褕江淮南楚謂之褕裕自關而西謂之褕褕其短者

謂之褕褕以布而無緣敝而紕之謂之褕褕自關而西謂之褕

褕其敝者謂之綴注褕裳凶反褕音豎褕褕俗名褕音偏

與屈同疏證漢書雋不疑傳衣黃褕褕顏師古注云褕褕直裾

褕衣亦作童容任昉奏彈劉整曰何其不能折契鍾庾而褕帷

交質李善注云方言江淮謂襜褕爲童容荀子大略篇衣則豎
褐不完楊倞注云豎褐僮豎之褐亦短褐也史記秦始皇本紀
夫寒者利襦褐集解徐廣曰一作短小襦也索隱云蓋謂褐布
豎裁爲勞役之衣短而且狹故謂之短褐亦曰豎褐漢書貢禹
傳襦褐不完顏注云襦者謂僮豎所著布長襦也後漢書張衡
傳士或解襦褐而襲黼黻注云方言自關而西謂之襜褕短者
謂之襦也光武帝紀皆冠幘而服婦人衣諸子繡襦注云前書
音義曰諸子大掖衣也如婦人之袿衣字書無襦字後漢書作
襦並音其物反揚雄方言曰襜褕其短者自關而西謂之襦襦
郭璞注云俗名襦掖據此則是諸子上加繡襦如今之半臂也
說文云直裾謂之襜褕襦豎使布長襦小爾雅云襜褕謂之童
容布褐而紕謂之藍縷急就篇襜褕袷複褶袴褌顏師古注云

襜褕直裾禪衣也

襜褕禪襦也

〔廣雅釋器〕禪襦謂之襜。〔疏證〕漢書來歙傳注引東觀記云光武解所被襜褕以衣歙集韻類篇引廣雅禪襦謂之襜褕。連下文荷字爲句失之。下文荷作襦謂之裨襦。〔疏證〕云此條有脫誤未詳其義鬱儀仍沿舊說

笥襦複襦也

〔方言四〕複襦江湘之間謂之襜或謂之笥。〔注〕今笥袖之襦也

襦卽袂字耳。釋音證

反閉小襦也

〔釋名釋衣服第十六〕反。閉。襦之小者也。却向著之領含於項反於背後閉其襟也

甲襜祗裯汗襦也。

甲襜當作甲襦。方言四：汗襦，江淮南楚之間謂之襜，自關而西或謂之祗。裯，自關而東謂之甲襦。陳、魏、宋、楚之間謂之襜襦，或謂之襜襦。疏證：宋玉九辯：被荷裯之晏晏。今王注：裯，祗裯也。後漢書羊續傳：其資藏惟有布衾，敝祗裯，鹽麥數斛而已。祗，音氏。裯，丁牢反。

鄙袒羞袒汗衣也。

釋名釋衣服第十六：汗衣，近身受汗垢之衣也。詩謂之澤，受汗澤也。或曰鄙袒，或曰羞袒。作之用六尺裁，足覆胸背。言羞鄙於袒而衣此耳。

諸子逢掖大袂衣也。

漢書元后傳：獨衣絳緣諸子。注：諸子，大掖衣，卽袷衣之類也。

禮儒行衣逢掖之衣注逢猶大也大掖之衣大袂禪衣也疏掖

謂肘掖之所寬大故云大袂禪衣也

襦褕褕腹胸背衣也
廣雅釋器褕褕謂之褕腹疏證褕褕蓋本作兩當鄭注鄉射禮
云直心背之衣曰當釋名云褕褕其一當胸其一當背也帕腹
橫陌其腹也帕與褕同

畱幕大褶衣也

釋名釋衣服第十六畱幕冀州所名大褶下至膝者也畱半也
幕絡也言牢絡在衣表也

褻明袍也

方言四褻明謂之袍注廣雅云褻明長襦也疏證按釋名云袍
丈夫著下至跗者也・褻薄毛切

復陶羽衣也。

〔左傳〕昭公十二年雨雪王皮冠秦復陶。〔注〕秦所遺羽衣也。〔疏〕冒雪服之知是毛羽之衣可以禦雨雪也。

褚衣絲衣也。

〔漢書〕南粵王傳上褚五十衣中褚三十衣下褚二十衣。〔注〕王師古曰以絲裝衣曰褚。褚音竹呂反。

褕褕禪衣也。

〔集韻〕平聲一。褕褕〔注〕博雅褕褕禪衣也。或作褕。又入聲十。褕褕。注說文南楚謂禪衣曰褕。或省。按褕褕即褕褕。此訓禪衣下單衣條又出褕褕似涉歧互。且禪衣即單衣尤不應兩出也。

褕褕褕褕褕褕面衣也。

〔玉篇〕下巾部。褕所甲切。褕褕面衣也。褕褕當作褕褕。〔廣雅〕釋

器。疑。謂之幘。疏證。玉篇云面衣也。按集韻入聲五幘字注引博雅云疑。謂之幘。幘或作紩。蓋誤。以下文幘頭幘字連上爲文。鬱儀用幘。幘字亦沿斯誤。舊唐書輿服志第二十五。武德貞觀之時。宮人騎馬者。依齊隋舊制。多著羃羃。雖發自戎夷。而全身障蔽。不欲途路窺之。王公之家。亦同此制。永徽之後。皆用帷帽。拖裙。到頸。漸爲淺露。尋下敕。禁斷。初雖暫息。旋又仍舊。咸亨二年。又下敕曰。百官家口。咸預士流。至於衢路之間。豈可全無障蔽。比來多著帷帽。遂棄羃羃。曾不乘車。別坐檐子。遞相倣效。浸成風俗。過爲輕率。深失禮容。理須禁斷。自今已後。勿使更然。則天之後。帷帽大行。羃羃漸息。中宗卽位。宮禁寬弛。公私婦人。無復羃羃之制。開元初。從駕宮人騎馬者。皆著胡帽。靚妝露面。無復障蔽。士庶之家。又相倣效。帷帽之制。絕不行用。俄又露

髻馳騁或有著丈夫衣服韡衫而尊卑內外斯一貫矣

襜褕農服也

國語齊語今夫農首戴茅蒲身衣襜褕注襜褕蓑薜衣也。襜

本末切襜始亦切

跗注戎服也

左傳成公十六年有韎韐之跗注君子也注跗注戎服若袴而

屬于跗與袴連。方于之樹二反

幘喪服也

集韻上聲五幘。喪之輕服。袒問二音

經綵兒襖也

史記三王世家皇子或在經綵而立爲諸侯王又衛將軍剽騎

列傳臣青子在經綵中

正義襜長尺二寸濶八寸以約小兒於

訓纂七

背褌小兒被也褌與緼同。居兩博抱二切

繞衿。幫也。

衿當作衿。方言四。繞衿謂之幫。注俗人呼接下江東通言下裳。疏證衿各本亦訛作衿。按上有袒飾謂之直衿句。故此曰亦廣雅釋器。繞領帔幫也。疏證說文幫下裳也。或作褌。釋名云褌羣也。連接羣幅也。按幫之言圍也。圍繞要下也。故又謂之繞領。方言繞衿謂之幫。衿與領同。

褌。褌蔽鄰也。

方言四。蔽鄰江淮之間謂之褌。或謂之褌。魏宋南楚之間謂之大巾。自關東西謂之褌。鄰齊魯之郊謂之褌。疏證廣雅大巾褌。褌褌蔽鄰也。本此。褌音葦或暉。褌昌詹反。鄰俗作膝。倒頓褌。褌母縛袴也。

又同上大袴謂之倒頓。小袴謂之校。校。楚通語也。按倒頓郭注今電袴也。校。初注今禕袴也。校了兩音疏證玉篇校。初小袴也。顏師古注急就篇云袴大者謂之倒頓。小者謂之校。初皆本此。急就章第十一。禕衣蔽膝布母縛。小顏注布母縛者歲貉女子以布爲脰空用絮補核狀如襜褕。歲貉者東北之夷也。說者或云母縛布名非也。王氏補注黃氏曰江東謂鷦鷯爲布母布。母縛小衣也。猶犢鼻耳。縛音祖昆反。窮袴。初。禕。禕。禕也。

漢書外戚傳上光欲皇后擅寵有子帝時體不安左右及醫皆阿意言宜禁內雖宮人使令皆爲窮袴。多其帶。注服虔曰窮袴有前後當不得交通也。師古曰使令所使之人也。袴古袴字也。窮袴卽今之緼襦袴也。方言四初。禕。謂之禕。注今又呼爲涼

衣也灼纏兩音疏證禪各本訛作禪玉篇于衲字下云禪衣于
纏字下云約纏謂之禪也約卽衲之訛以郭注言今又呼爲涼
衣證之不得爲禪明矣按廣韻五入聲衲字注引玉篇云禪衣
今考玉篇下衣部實作禪不作禪集韻平聲三禪字注衲禪
也于上聲五纏字注又云禪也疑亦本方言之譌此從舊說
禪澄延切漢書司馬相如傳上相如身自著犢鼻禪注卽今
之衲也形似犢鼻故以名云衲音之容反按方言四無裊之袴
謂之襦注卽今犢鼻禪也玉篇下衣部作犢禪云相如所著也
襦襦也

玉篇下衣部襦襦也按襦說文解字第五作襦訓足衣也望
發切與屨屨之屨義別集韻入聲九襦字注或从革或从衣从
皮而不从巾良是互詳下襦襦屨屨也注•襦音寬襦音煩

鞮鞢也。

廣雅釋器鞮鞢鞢鞢鞢履也疏證履或作鞢集韻平聲三博雅鞮鞢鞢也。鞮古匣切鞢音沙

鞢鞢鞢革履也

急就章第十二旃裘鞢鞢鞢民小顏注鞢鞢胡履之缺前雍者也又釋名釋衣服第十六鞢鞢猶速獨足直前之言也又見上。素落大洛二切廣雅釋器屏履屨易履鞢不借鞢角鞢屨薄平鞢履也疏證廣韻履有頸曰屨方言注屨字或作屨。屨他梅反鞢乎末反

鞢下不借薄借鞢角草履也

方言四屏屨屨履也徐兗之郊謂之屏自關而西謂之屨中有木者謂之複舄自關而東複履其庫者謂之鞢下禪者謂之鞢

絲作之者謂之履麻作之者謂之不借。麤者謂之屨東北朝鮮
洌水之間謂之鞞角。又徐土邳圻之間大麤謂之鞞角。注今漆
履有齒者疏證按周禮屨人鄭注云複下曰舄禪下曰屨疏云
下謂底釋名云齊人謂韋屨曰屨不借言賤易有宜各自蓄之
不假借人也仰角屨上施屨之名也鞞晚鞞仰假借通用急就
篇鞞鞞叩角褐鞞巾裳韋不借爲牧人顏注叩角形若今之木
屨而下有齒者叩卽鞞。鞞鞞婉叩兩音韋屨今本釋名作草
屨周禮夏官弁師王之皮弁會五采玉璫象邸玉笄注璫讀
如薄借。綦之綦綦結也疏漢時有薄借綦之語故讀從之亦取
結義薄借之語未聞廣雅釋器疏證鹽鐵論散不足篇云綦下
不借鞞鞞革舄釋名云不借齊人云搏脂搏脂猶把鮓麤貌也
按釋名以搏脂爲麤貌是也搏脂鹽韻字轉之則爲不借說文

縛字注云一曰不借縛周官弁師注作薄僭綦薄僭卽搏脂也
縛鞣牒也

〔廣韻〕一上平聲。縛鞣。鞣又五入聲注同。薄僖二音。
鮮支繁總。繫總葉榆絹穀也。

〔廣雅〕釋器。繫總。鮮支。穀絹也。〔疏證〕釋名云絹緹也。其絲緹厚而
疏也。緹音堅。〔廣韻〕總細絹也。衆經音義卷十三引通俗文云輕
絲絹曰總。總與緹同。鮮支一作鮮厄。說文縛白鮮厄也。衆經音
義卷二十一引纂文云白鮮支絹也。〔按〕御覽八百十七布帛部
絹引廣雅云繫總。鮮文穀絹也。與今本異。總音慧。〔玉篇〕下
系部。繫亡侯切。縛也。繫曹憲音苦侯。苦茂二反。總。蔥總二音。
〔方言〕二。拊鋪。檻。恆。幘。縷。葉。榆。毳也。〔注〕今名短度絹爲葉榆也。
榆音與。〔疏證〕葉榆各本訛作葉輪。輪字不得有與音。玉篇云葉

褊短度絹也今據以改正按此從玉篇本故不誤

方空吹綸輕容細紗也

後漢書章帝紀詔齊相省冰紈方空縠吹綸絮注方空者紗薄

如空也或曰空孔也卽今之方日紗也綸似絮而細吹者言吹

噓可成亦紗也齊東野語卷十紗之至輕者有所謂輕容出

唐類苑云輕容無花薄紗也王建宮詞云嫌羅不着愛輕容元

微之有寄白樂天白輕容樂天製而爲衣而詩中容字乃爲流

俗妄改爲庸又作榕元豐九域志越州歲貢輕容紗五疋是也

服瑱綸帶黃潤升越花練細布也

急就章第九服瑱綸帶與綰連小顏注服瑱細布織爲連瑱之

文也綸帶緡布之尤精者也言此二種雖曰布類其質精好與

綰相連次也王氏補注說文綸黃布也緡細布也綸帶投黃

二音

〔文選蜀都賦〕黃潤比筒〔劉淵林注〕黃潤謂筒中細布也

司馬相如凡將篇曰黃潤纖美宜製褱揚雄蜀都賦筒中黃潤

一端數金

〔又吳都賦〕蕉葛升越弱於羅紩〔劉淵林注〕蕉葛葛

之細者升越越之細者又〔丹鉛總錄花木類〕越爲布名潛夫論

葛子升越筒中女布盛宏之荊州記秭歸縣室多幽閒其女盡

織布至數十升謂之升越

〔桂海虞衡志器志〕練子出兩江州

峒大略似苧布有花紋者謂之花練土人亦自貴重。練音蔬

陳書姚察傳門生送南布一端花練一匹花練之名始見於此

青頓髦氎帛氎婉結黎單夷布也

〔後漢書南蠻西南夷傳〕冉駹夷其人能作旄氎班固青頓髦氎

羊羖之屬〔注〕青頓髦氎並未詳字書無此二字周書伊尹爲四

方獻令曰正西昆侖狗骨鬼親枳已闐耳貫胸雕題離邱漆齒

皇甫本不譌衆經音義卷一引字林云罽之方文者曰毼又引
通俗文云織毛曰罽邪文曰毼廣韻毼毛布也陳琳神武賦云
罽毼皮服幽風七月篇無衣無褐鄭箋云褐毛布也褐與毼同
毼毼卽毼。毼也廣韻毼毼毼也太平御覽引通俗文云織毛褥
謂之毼毼細者謂之毼毼毼毼亦罽之細者也毼之言繁縟毼
之言蒙戎也說文鞞鞞毼飾也鞞與毼同義毼毼猶毼毼也廣
韻毼毼輕毛貌毼之言樓也爾雅樓聚也衆經音義卷十四引
通俗文云毛布曰毼卷二引聲類云毼毼毛布也後漢書烏桓
傳云婦人能織毼毼。毼仙莘二音毼音支毼毼蹤衢二音毼
毼榜曷二音毼毼豆分二音毼毼粟茸二音毼力朱切毼毼唐
餌二音毼毼衢俞二音〔後漢書西域傳〕天竺國有細布好毼
毼〔注〕毼音它閭反毼音登埤蒼曰毛席也釋名曰施之承大牀

前小榻上登以上牀也

〔集韻平聲三〕

𦘔𦘔𦘔𦘔也。喬宵二

音

毳毼毛褥也

〔玉篇下毛部〕

毼音搜。毼織毛又毼同。〔集韻平聲二〕

織毛毼毼者曰毼毼或作毼毼。〔按〕毼毼下有脫字。據北堂

書鈔卷一百三十四儀飾部五引通俗文曰毼毼細者謂之毼

毼御覽七百八服用部引同。大般涅槃經卷十一音義增一阿

含經卷十九音義四分律卷三十一音義引毼作毼餘同

毼毼毼布也

〔集韻平聲一〕

毼毼毼布。思融龍珠二切

承露覆髮毼。毼巾也

〔方言四〕覆結謂之毼巾。或謂之承露。或謂之覆髮。皆趙魏之間

通語也〔注〕今結籠是也〔疏證〕結髻古通用廣雅承露噴巾覆結也本此。髻且代切又音采〔爾雅釋鳥鷺春鉏注〕白鷺也頭翅背上皆有長翰毛今江東人取以爲睫。櫛名之曰白鷺絳〔釋文〕睫字又作映音接說文云目旁毛也三蒼云背毛也櫛力知反絳西雷反又西河反

襍襪幘也

〔方言四〕襍襪謂之幘〔注〕卽幘幘也幘亡別反襍襪音見上襍襪陌頭鈔髮綃頭也

〔又同上〕綃頭幘頭也鈔續髻帶髮帶帟幘幘頭也自關而西秦晉之郊曰綃頭南楚江湖之間曰幘頭自河以北趙魏之間曰幘頭或謂之帟或謂之幘其偏者謂之髻帶或謂之髻帶〔疏證〕釋名云綃頭或曰陌頭言其從後橫陌而前也齊人謂之幘言

釋名釋首飾第

十五綃頭綃鈔也鈔髮使上從也

𦉰 帶縊頭也。

玉篇下巾部。帛繒頭也。鳥須二音。

帟衽領巾也。

方言四
帟被謂之被巾
注婦人領巾也
疏證廣雅帟被巾也

本此・**帛音戶裱筆廟反**

衤襦。襦。褕。褖。褔。褧。褫也。

廣雅釋器衻襦袪衽衿衮衾衸衯衼衽衺衻衼衽又褱衲衴

衽袂也疏證方言衽襦謂之袖郭注云衣襟也江東呼襦膺

韻補袖襍袂也玉篇補衣袂也。衲桃決二音補音含祿妬

禾反補布蔑反補布末反

偏諸衣緣也。

〔漢書賈誼傳〕今民賣僮者爲之繡衣絲履偏諸緣。〔注〕服虔曰如牙條以作履緣師古曰偏諸若今之織成以爲要襪及褱領者也古謂之車馬褱其上爲乘車乃騎從之象也。

褱積衣褱也。

〔又司馬相如傳上〕褱積褱縐。〔注〕張揖曰褱積猶筋黼也褱縮也縐裁也其縐中文理弗鬱有似於谿谷也師古曰張說非也褱積卽今之幫褱古所謂皮弁素積者卽謂之積也言褱積文理隨身所著或褱縐委屈如谿谷也褱音壁。〔接文選善注引張揖說〕黼詐白切六臣本積作積音積。

刺緝鍼縫也。

〔玉篇下糸部〕緝音稚刺。緝針縫也。

方言四繞緇謂之襜褕注衣督脊也疏證按襜亦作袈說文云袈背縫又作禱說文云衣躬縫古通用督莊子養生主篇緣督以爲經皆據衣脊中縫言之。襜褕篤掩二音緇音循覆袷襜褕單衣也。

廣雅釋器覆袷襜褕禪衣也疏證禪之言單也襜亦作襜說文南楚謂禪衣曰襜又見上禪衣襜褕注。袷作潰反襜子豕反襜音牒

襜褕也。

又同上襜褕也疏證急就篇注云襜者韜髮之巾所以整鬚髮也常在冠下或單著之襜之言參也所以參髮也弁各本譌作弁按諸書無訓弁爲襜者弁乃巾名非襜名也玉篇廣韻弁音介襜也與服志注引晉公卿禮秩云太傅司空司徒著黑介

幘介與幘通今據以訂正。此作幘猶沿舊本考曹憲音釋仍作幘音芳云反。攢音兵拳反。疏證謂兵誤應作邱。

春草雞翹。蒸栗。鬱金。槐。幘。麴。塵。綠。緋。紫。緋。無。線。綦。綺。留。黃。綵。色。也。
又同上。青。草。雞。翹。蒸。栗。鬱。金。槐。幘。麴。塵。綠。緋。紫。緋。無。線。綦。綺。留。
黃。綵。也。疏證急就篇春草雞翹。鳧翁濯顏注春草象其初生纖
麗之狀也。雞翹。鷄尾之曲。坐者言織刺爲春草雞翹之形。一曰
謂染彩而色似之。蒸。縹。本作。烝。栗。急就篇烝栗。絹。紺。緋。紅。縹。釋
名云。蒸。栗。染。紺。使。黃。色。如。蒸。栗。然。也。鬱。通。作。鬱。急。就。篇。鬱。金。半
見。細。白。勅。注。云。鬱。金。染。黃。也。槐。各。本。譌。作。槐。今。訂。正。麴。塵。亦。染
黃。也。周。官。內。司。服。鞠。衣。鄭。注。云。鞠。衣。黃。桑。服。也。色。如。鞠。塵。鞠。與
麴。通。說。文。緋。帛。莫。艸。染。色。續。漢。書。輿。服。志。注。引。徐。廣。云。緋。草。名。
也。以。染。似。綠。又。云。似。紫。蓋。莫。草。本。有。綠。紫。二。色。故。所。染。之。帛。各

如其草之色又說文萆艸也可呂染留黃則又不止綠紫二色
矣萆綺蓋謂織綺文如萆也釋名云綺欹也其文欹邪不順經
緯之縱橫也有萆文方文如萆也萆與萆通留黃之色染與織
皆有焉說文萆艸可呂染留黃此謂染綵也古樂府相逢行大
婦織綺羅中婦織流黃此謂織綵也玉藻正義引皇侃疏云駢
黃之色黃黑留駢流竝通・疏證本栗作綵音栗愧作愧姑回
矩偉二切此尙沿舊本作愧緱音麗綵音栗集韻平聲一作綵
引博雅履其綠謂之無綵一曰綵名或作綵
給綽絮也

〔廣韻〕二下平聲給綽絲一百升又絮名・給郎丁切綽賓彌頻
彌二切

緯纒惡絮也

又同上。縵。縵。惡絮也。牽離。二音集韻平聲。一縵字注云通作縵。

牽離。重幕也。

釋名釋絲帛第十四。繭幕也。貧者著衣可以幕絡絮也。或謂之牽離。資熟爛牽引使離散如絛然也。

步搖。珠松也。

又釋首飾第十五。步搖。上有垂珠。步則搖也。隋書禮儀志第六。步搖。俗謂之珠松是也。

跳脫。臂釧也。

古詩紀二十七。魏繁欽定情詩。何以致契濶。繞腕雙跳脫。按跳脫。今之腕釧蓋臂飾也。一作條脫。亦作挑脫。王慤野客叢書卷十四引真誥及溫飛卿唐宣宗事謂說者不一。文不備載。

花鈿面飾也。

舊唐書輿服志第二十五內外命婦服花釵翟衣青質第一品花鈿九樹注寶鈿准花數以下准此也。

射月粉靨也。

酉陽雜俎卷八近代粧尙靨如射月曰黃星靨。

額黃眉邊飾也。

庾信樂府舞媚娘眉心濃黛直點額角輕黃細安倪氏注梁簡文帝詩云同安鬟裏撥異作額間黃李商隱酬崔八早梅有贈兼見示之作幾時塗額藉蜂黃又無題詩第二首壽陽公主嫁時粧八字宮眉捧額黃丹鉛總錄詩話類後周靜帝令宮人黃眉墨粧至唐猶然觀唐人詩詞如藥黃無限當山額又額黃無限夕陽山其證也然溫飛卿詩有豹尾車前趙飛燕柳風吹散

蛾間黃之句王荊公詩亦云漢宮嬌額半塗黃事已起於漢特
未見所出耳又幽怪錄神女智瓊額黃按王懋野客叢書二十
四蝶粉蜂黃條引草堂詩餘注謂唐人宮妝馮氏浩義山詩注
已駁之文不備錄

和服寶祿腰綵也

丹鉛總錄詩話類祿女人脇衣也隋煬帝詩錦袖淮南舞寶祿
楚宮腰盧照隣詩倡家寶祿蛟龍被是也或謂起自楊妃出於
小說偽書不可信也崔豹古今注謂之腰綵注引左傳和服謂
日日近身衣也是春秋之世已有之豈始於唐乎沈約詩領上
蒲桃繡腰中合歡綺謝偃詩細風吹寶祿輕露濕紅紗按中引
古今注云云今本無和服見左宣九年傳釋文和音女乙汝栗
二反又云仁一反•祿音末

黍酏。糗粦。穀糗。飢餉。粥也。

〔禮內則〕黍酏漿水〔注〕酏粥。酏羊支反。〔廣雅釋器〕飢餉。粘糗。

糗粥。糗。糜。穀。糗。也。〔疏證〕飢玉篇音記言切。孟子滕文公篇飢粥之食。趙歧注云。飢。糜粥也。餉。玉篇音居六切。飢餉。語之轉。饘。饘亦語之轉。饘之爲餉。猶饘之爲飢。方俗音有侈弇耳。又說文饘。饘也。俗省作粥。釋名云。粥。濯於糜粥粥然也。糗亦糜也。月令行糜粥。飲食淮南子時則訓作糗。鹽集韻平聲三。饘說文糜也。或作饘。飢饘。饘。饘。饘。饘。玉篇中米部糗字注。糗也。又糗字注。一作饘。之延切。〔按〕穀糗字義疏證未及。今考集韻上聲五。穀字注。一曰饘也。或作糗。玉篇中米部糗字注。饘也。集韻上聲六。糗字引博雅穀糗也。或作糗。糗。許委切。糗戶黠切。糗。糗。粟粥也。

〔集韻去聲八〕麴。麴。粟粥。盧臥蘇臥二切。

麴。麴。糗也。

〔廣雅釋器〕麴。黎。謂之麴。〔疏證〕釋言云。糗。麴食也。玉篇。麴。糗也。或作麴。唐本草注云。米麥麴。蒸米麥熬磨作之一名。糗。玉篇。麴。充小切。麴。糗聲相近。猶今人言炒也。毗梨二音。

麴。麥屑也。

麴。當作麴。〔廣雅釋器〕麴。糗。糗。麴。糗也。〔疏證〕糗。通作屑。糗之言屑。屑也。玉篇。糗。碎米也。廣韻云。米麥破也。麴之言瑣瑣也。說文。麴。小麥屑之馱也。齊民要術引四民月令云。夏至後糗。麴。麴。之言濛濛也。下文麴。謂之麴。義相近也。麴。素果反。麴音蒙。

麴。麥皮也。

〔集韻去聲八〕麴。麴。麴。麥皮也。○莫夜二音。棟亭曹氏刊本無麥。

字據字典亥集下麥部引補

糲。糲損米也。

〔玉篇中米部〕糲丑厄切字書云糲。糲損米。糲从束又廣韻五入聲。〔糲丑玉切字書曰〕糲。糲損米。糲从束。〔按玉篇無糲字。糲从束亦與廣韻从束不同。集韻入聲九糲字。既从廣韻作糲。入聲十糲字。又从玉篇作糲。字應作某存而不論。無惑乎形聲之愈出而愈歧也。〕糲玉篇陟厄切。

牢九。麵起水引。薄衣起漉。糾耳。狗后。劒帶。案成。髓燭。麤麤。餽餽。闕飢餅屬也。

初學記器物部餅第十七。盧諶祭法曰。春祠用鬯頭餽餅。髓餅。牢九。夏秋冬亦如之。夏祠別用乳餅。冬祠用環餅也。○牢九當作牢九辯。詳通雅三十九飲食類。〔又〕蕭子顯齊書曰。永明九

年正月詔太廟四時祭薦宜皇帝麵起餅又曰何戢爲司徒左長史太祖爲領軍與戢來往數置歡宴上好水引餅戢令婦女躬自執事以設上焉

雀瑞孟冬祭下水引

又范江祠制曰夏薦下乳餅臠孟秋下

夏祠以薄夜代晏頭無能作以白環餅又東哲餅賦炎律方回純陽布暢服絺飲冰隨陰而涼此時爲餅莫若薄夜御覽八

百六十飲食部東哲餅賦曰商風旣厲大火西移鳥獸氄毛樹木疎枝肴饌尙溫則起洩可施洩所九切又音搜通雅三十九飲食類謂起洩今之蒸酥也

又若夫安乾粬粒之倫糺耳

狗后之屬劒帶案成餽餽髓燭或名生於里巷或法出乎殊俗按北堂書鈔一百四十四糺耳作豚耳狗后作狗舌續古文苑卷二案成作案盛注云依北堂書鈔改正今陳禹謨刊本仍作

成・糺同糾燭同燭

〔玉篇中麥部〕麴餅也・力堅力口二

切

〔方言十三〕餅謂之飪或謂之餠。〔注〕長渾兩音

〔通雅三

十九飲食類〕食經言五色小餅盛盒累積曰關。飪。今日春盛是

也。〔按〕西陽雜俎卷七酒食五色餅法關飪作關釘釘讀若飪丁

定切唐劉遠人目爲釘坐梨釘坐卽飪坐也一日看食謂看而

不食者菽林伐山卷十五關釘條謂俗書作餠飪非似泥

餠飪漉浹餠餠粉餅也

〔玉篇上食部〕餠餅餌也・徒當徒兮二切〔釋名釋飲食第十

三〕餌而也相黏而也充豫曰漉浹就形名之也・唐挾二音

〔集韻去聲七〕餠餠餌也或作糲粦・餠補胡切

搏鑑胡餅也

〔御覽八百六十飲食部〕趙錄曰石勒改胡餅曰搏鑑石虎改曰

麻餅・搏音團

麴麴煮餅也

〔集韻入聲九〕麴麴煮餅・獨祿二音

餛飩畢羅餽餽養食也

〔玉篇上食部〕餛飩餛飩也〔通雅三十九飲食類〕程大昌言餛飩出

於渾氏屯氏智按乃混沌之轉近時又名鶻突・戶昆徒昆二

切〔又〕南史虞棕作扁米糲卽今饊子一曰寒具一曰糲糲一

曰饊饊升菴以饊饊爲波波磨磨粒粒則紐形者饊饊有餚者

糲糲則粉和餚者古所謂養餚也黃朝英曰資暇集云蕃中畢

氏羅氏好食此味因謂之畢羅後人加食爲饊饊〔玉篇上食

部〕饊饊餅屬・補各他各二切

麴麴麴餅也

玉篇中麥部。麭。麭餅也。麭蒲口蒲沒二切。麭他口切。又麭下沒切。漢書陳平傳食糠麭。注孟康曰麭麥糠中不破者也。晉灼曰麭音紇。京師人謂麭屑爲紇頭。

粬。安乾膏環也。

楚辭招魂。粬。粬蜜餌有餽。餽些。洪興祖補注。粬。粬蜜餌也。吳謂之膏環。餌粉餅也。其呂尼呂二切。安乾。見上。紇耳餅屬也。

角黍。筒糗也。

初學記歲時部五月五日第七。周處風土記曰仲夏端午烹鷺角黍。又進筒糗一名角黍。一名糗。原注風土記曰以菰葉裹粘米以象陰陽相包裹。糗一作粽。

糗。糗餽也。

〔廣雅釋器〕粃。粃。糲。糲。糲也。〔疏證〕說文糲熬稻張皇也急就篇棗杏瓜棣糲飴餹顏注云糲之言散也熬稻米飯使發散也粃粃之言浮流糲之言疏皆分散之貌也北戶錄注引證俗音云今江南呼糲飯已煎米以糖餅之者爲粃粃。浮流二音
臉。臉。美也。

〔玉篇上肉部〕臉。臉。美也。七廉初減二切
飴。飴。醴。醴。美酥也。

〔御覽八百五十八飲食部〕飴。飴。通俗文曰煨羊乳曰酪酪酥曰
飴。飴。又慕容晃與顧和書曰今致飴飴十斤。〔經史證類大本〕
草獸部上品酥陶隱居云本是牛羊乳所爲而牛酥勝羊酥。〔按〕
飴。飴。亦見上釋訓然彼作寄食解非此義。徒奚戶吾二切

〔翻譯名義增數譬喻篇第五十三〕聖行品云譬如從牛出乳從

乳出酪從酪出生酥從生酥出熟酥從熟酥出醍醐。經史證類
大全本草獸部上品醍醐生酥中衍義曰醍醐作酪時上一重
凝者爲酪面酪面上其色如油者爲醍醐熬之卽出不可多得
極其甘美。按說文舊無醍醐字惟新附有之一切經音義十四
引通俗文作𩚑𩚑並云近世梁時處士阮孝緒作文字集略有
醍醐二字此書甚淺俗音體並無所據也似六朝時卽以𩚑𩚑
爲醍醐相沿已久故鬱儀兩收之。醍他禮切又音提醐戶吾
切

𩚑𩚑乾酪也

漢書揚雄傳下𩚑𩚑𩚑注張晏曰𩚑𩚑乾酪也以爲酪
母燒之壞其養生之具也。𩚑音覓𩚑音黎又音來戈反

醍醐乳腐也

玉篇下西部酸酖上音离下音祗乳腐名

辛酒清滌水也

禮禮運故辛酒在室疏辛酒謂水也以其色黑謂之辛而太古

無酒此水當酒所用故謂之辛酒又曲禮下水曰清滌疏古

祭用水當酒謂之辛酒也而云清滌者言其甚清皎絜也樂記

云尙辛酒是也

酖醖美漿也

續古文苑王褒僮約沃不酖住酖醖注舊音徂模沃飲也乳汁

作漿曰酖酖醖亦美漿酖醖之屬奴當甘麓淡不得求美飲

女麤甜酖九投澄清酖濛醖醖瓊蘇琬液泛齊醖齊盎齊緹齊沈

齊酒也

初學記器物部酒第十一酒經曰空桑穢飲酖以稷麥以成醖

醪酒之始也。烏梅女。麴。醕。九投。澄清。百品酒之終也。麴音

魂。醕音乳。醕當作醕。集韻平聲一。醪謂之醕。濛或作醕。醕

麴叢切。玉篇下酉部。醕。醕上音了。下匹眇切。酒清也。初學

記器物部酒第十二。琬液。瓊。蘇。注拾遺記曰。王母薦穆王琬液

清觴。南岳夫人傳曰。夫人設王子喬瓊蘇綠酒。周禮天官酒

正辨五齊之名。一曰泛齊。二曰醴齊。三曰盎齊。四曰緹齊。五曰

沈齊。注泛者成而滓浮。泛泛然。如今宜成醴矣。醴猶體也。成而

汁滓相將。如今恬酒矣。盎猶翁也。成而翁翁然。慈白色。如今酇

白矣。緹者成而紅赤。如今下酒矣。沈者成而滓沈。如今造清矣。

齊者每有祭祀以度量節作之。疏此五齊與下三酒所以異者。

三酒味厚人所飲者也。五齊味薄所以祭者也。祭祀必用五齊

者。至敬不尚味而貴多品。五齊對三酒。酒與齊異通而言之五

齊亦曰酒故禮坊記云醴酒在室醢酒在堂是也。齊才細反一讀如字泛芳劒反益烏浪反緹音體沈音霰

梅麴酒母也。

周禮地官媒氏注齊人名麴。麴曰媒。廣韻一上平聲。梅酒母又集韻平聲二。酒本曰梅。或从酉通作媒。梅音枚。釋文麴起六反。麴魚列反。又五列反。徐去穢反。

餽餽餽餽也。

玉篇上食部。餽曰餽。餽。餽古來切。餽於勿於月二切。按方言十三餽謂之餽。餽。餽謂之餽。餽謂之餽。餽凡餽謂之餽。餽從上絕句。餽從下讀。字本不連玉篇。以餽餽爲句。蓋誤讀。方言文鬱儀又沿玉篇之誤也。餽餽見上。粒。粒引楚辭招魂又廣雅釋器。餽餽也。張皇二音。餽辭精反。又徒當切。

麩麩麩麩麩麩也。

廣雅釋器麴。麴。麴。麴。麴也疏證說文籀酒母也或作鞠今經傳皆作麴釋名云麴朽也鬱之使生衣朽敗也方言白闕而西秦關之間曰馨晉之舊都曰麴齊右河濟曰麴或曰麴北鄙曰麴麴其通語也說文麴餅籀也方言注云今河東人呼麴爲麴按麴之言哉也爾雅哉始也麴爲酒母故謂之麴說文麴餅籀也麴之言卑小也方言注云麴細餅麴也又云麴大麥麴也

說文𦵿餅籜也𦵿亦始也𦵿之言蒙也說文𦵿籜生衣也方言注云𦵿有衣𦵿也𦵿𦵿𦵿竝同・𦵿疾災反𦵿音滑𦵿𦵿卑牟二音𦵿苦木反𦵿音蒙

豚拍𦵿肩也

周禮天官醢人豚拍魚醢注鄭大夫杜子春皆以拍爲膊謂脅也或曰豚柏肩也疏豚拍肩也者謂豚肩也・拍音博脾析牛百葉也

又同上脾析蠡醢注鄭司農云脾析牛百葉也釋文脾婢支反析星厯反蠡蒲佳反徐蒲雞反

臄脰鳥胃也

說文解字第四臄牛百葉也从肉毘聲一曰鳥臄脰房脂切脰鳥胃也从肉至聲處脂切

刑臙夾脊肉也。

〔周禮天官內饗〕凡掌共羞修刑臙。〔注〕鄭司農云刑臙謂夾脊肉

・臙火吳內武二反

肝臙牛羊脂也。

〔玉篇上肉部〕肝臙牛羊脂又〔廣雅釋器〕肝臙臙管脂也〔疏證臙

與臙同・平哲二音

臙管腸間脂也。

〔禮郊特牲〕取臙管燔燎。〔注〕臙管腸間脂也・律僚二音

宮脂鹿脂也。

〔御覽九百二獸部〕博物志曰以水銀宮脂塗陰男子即痿宮脂

鹿脂也。按今本博物志無此文

圉腴豬犬腸也。

禮少儀君子不食圉腴注周禮圉作豢謂犬豕之屬食米穀者也腴有似人穢疏圉猪犬也腴猪犬腸也言猪犬亦食米穀其腹與人相似故君子但食他處辟其腴謂腸胃也故鼎鬲一也

• 圉音患

胛胛牛馬子腸也

廣韻一上平聲胛胛牛馬子腸• 胛音同胛當孤切胛丑飢切都締二音

肯綮筋骨結也

莊子內篇養生主技經肯綮之未嘗而况大軋乎釋文肯崔云許叔重曰骨間肉肯肯著也綮司馬云猶結處也• 綮音啟腍腍膠也

廣雅釋親腍腍臂也疏證說文骹臂骨也臂與臂同亦通作櫛

素問骨空論炙櫪骨王冰注云尾窮謂之櫪骨釋言篇云膠肥也字通作翠內則舒雁翠鄭注云翠尾肉也呂氏春秋本味篇肉之美者雉燕之翠高誘注云翠厥也厥亦與響同衆經音義卷十四引三倉云髀尻骨也按冰晁公武讀書錄作冰此从宋刊本及四庫全書總目・髀一作髀苦臥切髀本作髀音厥散臠前肩也

淮南子詮言訓周公散臠不收於前鐘鼓不解於縣以輔成王而海內平注臠前肩之美也按莊氏校本散作殺經籍纂詁七虞下補遺引同此尙依舊本作散・臠奴報奴到二反

勺藥調和也

文選子虛賦勺藥之和具而後御之注晉灼曰南都賦曰歸雁鳴鵲香稻鮮魚以爲芍藥酸恬滋味百種千名之說是也善曰

晉氏之說以勺藥爲調和之意枚乘七發曰勺藥之醬然則和調之言於義爲得

脂腩調飪也

〔集韻上聲六〕脂腩調飪也。脂音諳腩奴感切

鹹醃味苦也

醃當作醃〔集韻上聲六〕鹹醃苦味。鹹口敢切醃於念切

醬醬味醢也

醬當作醬〔玉篇下西部〕醬醬味薄也又〔集韻上聲六〕醬說文闕

一曰醬也一曰醬醬味醢。昨冉而炎二切

澈饔饔無味也

〔集韻上聲六〕澈饔無味也。澈古覽切饔子敢切〔廣韻四去

聲〕饔饔無味。古慙吐濫二切

醢醢醬酢白也

集韻平聲二醢醢醬醋敗。匹卜鋪官二切

蒹蒹瓜蒞也

又平聲四蒹蒹瓜蒞。蒹音談蒹盧甘切

昌歆昌蒲蒞也

左傳僖公三十年饗有昌歆注昌歆昌蒲蒞疏昌歆饗之所設必是籩豆之實周禮醢人朝事之豆其實有昌本麋麇鄭元云昌蒲根切之四寸爲蒞彼昌本可以爲蒞知此昌歆卽是昌蒲蒞也。歆在感反

乾榛烏梅也

周禮天官籩人其實棗栗桃乾注乾榛乾梅也。榛音老

大苦鼓也

楚辭招魂大苦。鹹酸辛甘行些。王逸注大苦鼓也。洪興祖補注本草鼓味苦故逸以大苦爲鼓。

駢雅卷三訓纂七終

駢雅

卷三

釋服食

訓纂七

无